

MELAWANA YA SIZWE MEDICAL FUND
Go tloqa ka la 1 Ferikgong 2016

1. LEINA

Leina la Sekema ke “Sizwe Medical Fund”, le mo teng ga tokomane eno le bidiwang “Sekema”. Leina le le khutshwafaditsweng la Sekema ke “SIZWE”.

2. BOEMO BA SEMOLAO

Sekema, ka leina la sona, ke mokgatlho o o nang le bokgoni ba go suwa le go suiwa mmogo le go iponela dithoto, tse di sutang le tse di sa suteng, le go dira dilo tsothe tseo di tlokegang gore Sekema se diragatse dithata tsa sona go ya ka Molao wa Dikema tsa Kalafo (Medical Schemes Act) le Molao mmogo le Melawana eno.

3. KANTORO E E KWADISITSWENG

Kantoro e e kwadisitsweng ya Sekema e fitlhelwa kwa 81 Main Street, mo 3rdFloor, Nedbank Building, Marshalltown, Johannesburg, fela Boto e ka fetola aterese eno go ya kwa lefelong le lengwe mo teng ga Rephaboliki ya Aforikaborwa, fa e le gore maemo a ka laela gore go nne jalo.

4. DITLHALOSO

Mo teng ga Melawana eno, mafoko le mareo a a tlhalositsweng mo go Molao wa Dikema tsa Kalafo (Molao wa bo 131 wa 1998), a na le bokao bo a bo neilweng, kwa ntle ga fa a sa dirisetswe mabaka ano-

- a) lefoko mo bongweng le akaretsa bontsi, fela jalo le ka lefoko mo bontsing; mme
- b) mareo a a latelang a na le bokao jo bo latelang:

- 4.1. “Molao” - Molao wa Dikema tsa Kalafo (Molao wa bo 131 wa 1998), le melawana e e tlhodilweng ka fa tlase ga ona;
- 4.2. “Motsamaisi” – Motsamaisi wa Sekema jaaka a amogetswe ke Khansela mo tsamaong ya nako go ya ka Molao;

Melawana ya Sizwe Medical Fund

- 4.3. "Tumelelo" – tumelelo ya pele e e kwadilweng ya Boto kgotsa ya moemedi wa yone yo o mo molaong;
- 4.4. "Moruni" – moruni yo o kwadisitsweng go ya ka Molao wa Babalamatlole ba Setšhaba le Baruni; wa 1991, (Molao wa bo80 wa 1991);
- 4.5. "Tetlelelo" –
 - 4.5.1. mo mabakeng a go robadiwa kwa bookelong – tetlelelo ka kgotsa mo boemong jwa Sekema mo mabakeng a kgetse e e tshwanetseng go laolwa ka fa tlase ga lenaneotaolo la dipelo tsa bookelo le e leng gore le setse le diretswe kopo ke kgotsa mo boemong jwa moamogeladipelo pele a ka amogelwa kwa bookelong kgotsa tleliniki kgotsa mo mabakeng a ditirelo tse dingwe le/kgotsa ditiragalo jaaka go tla tlhomamisa Sekema mo tsamaong ya nako mme tetlelelo ya go nna jalo e tla tsewa e letlelela ditiragalo tsotlhe le ditirelo tseo di ka tlhokegang mo pakeng e e kailweng;
 - 4.5.2. mo mabakeng a go bona melemo, tetlelelo ya molemo o o laetsweng mo mabakeng a bolwetse jo bo sa foleng go ya ka dikaedi tsa pusetso tse di tlhodilweng ke lenaneo la melemo ya malwetse a a sa foleng kgotsa lenaneo la taolo ya malwetse.
- 4.6. "Moamogeladipelo" – tokololo kgotsa motho yo o amogetsweng jaaka moikaegi wa tokololo.
- 4.7. "Boto" – Lekgotla la Batlhokomedi le le theilweng go laola Sekema go ya ka Molao le Melawana e;
- 4.8. "Kgetse" – Phekolo ya bolwetse kgotsa maemo a a tlhokegang fa moamogeladipelo a amogelwa kwa bookelong kgotsa tleliniki le mo mabakeng a phekolo efe e e tseletseng e e kailweng mo teng ga lenaneotaolo la dipelo tsa bookelo;
- 4.9. "Ngwana" – go kaiwa motho wa dingwaga tse di ka fa tlase a 18 (somerobedi) yo o sa ikotleng yo tokololo e rwalang maikarabelo a go mo tlhokomela le go mo otlala. Mo mabakeng a go dirisa tlhaloso eno, ngwana o kaya –
 - i. ngwana wa tokololo ka tsalo; kgotsa
 - ii. ngwana wa tokololo ka lenyalo; kgotsa
 - iii. ngwana yo e seng wa tokololo ka tsalo (botsadi ka tsholo) kgotsa ngwana yo go tshwaraganweng le gore e nne wa tokololo ka molao mme a beilwe ka fa tlase ga tlhokomelo ya tokololo ya Sekema, jaaka go tlhalositswe mo karolo 1 ya Molao wa Bana wa 2005 (Molao wa bo38 wa 2005); kgotsa

Melawana ya Sizwe Medical Fund

- iv. ngwana yo o se nang legae kgotsa ngwana yo go tshwaraganweng le gore a batlelwe legae mme a beilwe ka fa tlase ga tlhokomelo ya tokololo jaaka go tlhalositswe mo Molaong wa Bana wa 2005 (Molao wa bo 38 wa 2005); kgotsa
 - v. ngwana yo o belegweng ka tumelano ya gore mosadi yo mongwe a mmelege, tumelano eo e netefaditsweng ke Kgotlatshekelokgolo, jaaka go tlhalositswe mo Molaong wa Bana wa 2005 (Molao wa bo 38 wa 2005); kgotsa
 - vi. ngwana yo o tlhokomelwang ke tokololo mo lefelong le le babalesegileng nakwana jaaka go tlhalositswe mo Molaong wa Bana wa 2005 (Molao wa bo 38 wa 2005); kgotsa
 - vii. ngwana jaaka a tlhalositswe mo go (i) go ya go (vi) fa godimo, wa mokapelo wa tokololo.
- 4.10. “Moikaegi yo e leng ngwana” – ke ngwana jaaka go tlhalosiwa ke Molawana 4.9, yo o ka fa tlase ga dingwaga di le 18 (somerobedi); ngwana yo e leng gore, ka ntlha ya bogole ba mo mmeleng kgotsa mo tlhaloganyong, o ikaegile ka botlalo mo go tokololo; kgotsa ngwana mongwe le mongwe yo go ka pakiwang fa a ikaegile ka tokololo fa fela a le ka fa tlase ga dingwaga di le 25 (someamabeditlhano) ka dingwaga. Tlhaloso eno ga e akaretse balekane ba ditokololokgolo kgotsa motho ope yo o nyetsweng. Sekema se tla tlhoka bopaki ba go ikaega kgotsa afidafiti go tswa go baikaege ba e leng bana ba dingwaga tse di kwa godimo ga di le 18, ngwaga mongwe le mongwe. Ke maikarabelo a tokololo go gorosa bopaki bo bo tlhokegang ba go ikaega, mme fa go sa nne jalo, moamogeladipoelo o tla tsewa e le mogolo, mme Sekema se tla tshwanelwa ke go lefisa dikarolotuelo tse di kwa godimo jaaka go tlhokega.
- 4.11. “Lenaneo la melemo ya malwetse a a sa foleng” – lenaneo le le amogelwang ke Sekema la go boloka madi le/kgotsa tiriso ya melemo ke moamogeladipoelo mo nakong e telele, kgotsa mo mabakeng a bolwetse jo bo sa alafegeng jo bo ka tsenyang botshelo mo kotsing.
- 4.12. “Bolwetse jo bo sa alafegeng” – Bolwetse bo bo tlhokang melemo e e tswelletseng kgotsa dimao mo nakong e e fetang dikgwedi di feta di le tharo le moo e leng gore phekolo ya malwetse ao e tlhomame.
- 4.13. “Nako ya go leta ka ntlha ya bolwetse bo bo rileng” – Nako e e jaaka e e ka laelwang ke Sekema fela e le ka fa tlase ga dikgwedi di le 12 (somepedi) go tloga ka letsatsi le ka lona moamogeladipoelo a amogetsweng mo Sekemeng, nako e mo go yona moamogeladipoelo a sa tshwanelang go tleleima dipoelo tsa malwetse a jaaka a tlhalositswe ke Sekema, a e leng gore dikeletso, tupobolwetse, tlhokomelo le kalafo di atlenegesitswe kgotsa di amogetswe.

Melawana ya Sizwe Medical Fund

- 4.14. "Tokololo e e tsweleng" – tokololo e e tsweleng ka botokololo ba yona ba Sekema go ya ka Molawana 6.3 kgotsa moikaegi yo o nnang tokololo ya Sekema go ya ka Molawana 7.1
- 4.15. "Tuelo ya boitlamo" – Tuelo e e tihomamisitsweng go ya ka tumelano magareng ga Sekema le motlamedi wa ditirelo kgotsa setlhopha sa batlamedi ka ditirelo mabapi le ditirelo tsa boitekanelo tse di maleba.
- 4.16. "Karolotuelo" – mabapi le tokololo, tlhwatlhwa, go sa akareidiwe dinamane kgotsa morokotso, e e duelwang ke kgotsa mabapi le tokololo le baikaegi ba gagwe ba ba kwadisitsweng fa ba le teng, jaaka ditefelo tsa botokololo mme e tla akaretsa dikarolotuelo go diakhaonto tsa sebele tsa poloko. Balanse e e tshwanetseng go neelwa tokololo go ya ka tlhopho epe e e dirang gore go nne le kgonagalo ya diakhaonto tsa dipoloko tsa sebele, e tla nna ya tokololo ka dinako tsotlhe,
- 4.17. "Khansale" - Khansale ya Dikema tsa Kalafo jaaka go tlhalosiwa mo teng ga Molao;
- 4.18. "Tshenyegelo" – go ya ka poelo, palogotlhe kgotsa madi a bofelo a a duelelwang tirelo e e maleba ya boitekanelo kgotsa matheriale o o bonweng;
- 4.19. "Tshireletso e e nang le boleng" - nako epe e mo go yona mokwadisi yo o thari e neng e le –
 - 4.19.1. tokololo kgotsa moikaegi wa setlamo sa kalafo;
 - 4.19.2. tokololo kgotsa moikaegi wa setlamo se se diragatsang kgwebo ya sekema sa kalafo se, ka nako e e neng e le tokololo ya setlamo sa go nna jalo, e neng e sa akareidiwe mo dikarolwaneng tsa Molao;
 - 4.19.3. mothapiwa yo o aparang yunifomo wa (SANDF) South African National Defence Force, kgotsa moikaegi wa mothapiwa yoo, yo o neng a amogela dipelo tsa kalafo go tswa go South African National Defence Force; kgotsa
 - 4.19.4. tokololo kgotsa moikaegi wa Permanent Force Continuation Fund, fela go sa akareidiwe nako epe ya tshireletso jaaka moikaegi yo o nang le dingwaga tse di mo tlase ga di le 18.
- 4.20. "Moikaegi" -
 - 4.20.1. molekane wa lenyalo wa tokololo kgotsa molekane yo e seng tokololo kgotsa moikaegi yo o kwadisitsweng wa tokololo ya sekema se sengwe sa kalafo;

- 4.20.2. moikaegi yo e leng ngwana wa tokololo jaaka go tlhalositswe mo teng ga Molawana 4.10, yo e seng tokololo kgotsa moikaegi yo o kwadisitsweng wa tokololo ya sekema se sengwe sa kalafo;
- 4.20.3. motho yo mogolo yo e leng gore tokololo e rwala maikarabelo a go mo tlhokomela le go mo otlala;
- 4.21. “Motlamedi wa ditirelo yo o Tlhophilweng” kgotsa “DSP” – Motlamedi wa boitekanelo kgotsa ditlhopho tsa batlamedi tseo di tlhophilweng ke sekema go tlamelana ka ditirelo tsa boitekanelo go baamogeladipoelo ka dielo tse di ratiwang kgotsa ka mabaka a mangwe a go dumalanweng ka ona, yo o tla diriswang fela ke baamogeladipoelo kwa ntle ga mo mabakeng a e leng gore DSP ga e yo mo lefelong le le gaufi le moamogeladipoelo, kgotsa mo mabakeng a tshoganyetso.
- 4.22. “Lenaneo la taolo ya bolwetse” - lenaneo le le amogetsweng ke Sekema mme le akaretsa metlhagolatsela (diporotokholo) ya kalafi jaaka di tlhalositswe mo teng ga dimametlelelo tse di maleba tsa konteraka magareng ga sekema le setheo se go dumelanweng gore se diragatse taolo ya bolwetse ka maikaelelo a go tlisa ditshenyegelo kwa tlase le/kgotsa tekolo e e tswelletseng le tlhokomediso ya balwetse, malebana le bolwetse jaaka a tlhaotswe ke Sekema mo tsamaong ya nako, le maemo ao a bolwetse a a ka akaretsang mme a sa lekanyediwe go ditshwaetso tsa HIV le AIDS;
- 4.23. “Seelo sa Motlamedi wa Ditirelo yo o Tlhophilweng” – Tuelo ya boitlami jaaka go rulagantswe mo teng ga Molawana 4.15 e go dumalanweng ka yona le motlamedi wa tlhokomelo ya boitekanelo ka thefosanelo le tirelo ya tlhokomelo ya boitekanelo e e neelwang baamogeladipoelo ba Sekema. Seelo se tla nna maleba mo malwetseng a di-PMB le/kgotsa a e seng di-PMB, mme e tla duelwa ka seelo sa DSP kwa ntle ga fa go tlhalositswe ka tsela e nngwe jaaka go rulagantswe mo teng ga Molao, Melao le melawana e.
- 4.24. “Aterese ya bonno” – aterese ya bonno e e tlhophilweng ke tokololo e kwa go yona dikitsiso mmogo le ditiragalo tsa semolao, kgotsa dikgato dipe tse di ka nnang teng tsa semolao, di ka romelwang le go neelwa motho yo o maleba,
- 4.25. “Maemo a tshoganyetso a kalafo” – tshimologo ya maemo a boitekanelo a tshoganyetso a a neng a sa solofelwa a a tlhokang karo kgotsa phekolo ya kalafo, moo e leng gore go palelwa ke go neelana ka phekolo ya kalafo kgotsa ya karo go tla feleletsa go dirile gore go nne le go retelwa mo go masisi ga ditiro tsa mmele kgotsa go se dire sentle ga serwe kgotsa karolo ya mmele kgotsa ya tsenya botshelo ba motho mo kotsing e e masisi.
- 4.26. “Mothapiwa” - motho yo o thapilweng ke mothapi.
- 4.27. “Mothapi” - mothapi yo o tsayang karolo yo o tseneng mo tumelanong ya konteraka le Sekema sa kalafo ka maikaelelo a go kwadisa bathapiwa jaaka ditokololo tsa Sekema.

- 4.28. “Nako ya go leta ka kakaretso” - nako e mo go yona moamogeladipoelo a sa tshwanelang go tleleima dipoelo dipe mme ke nako e e sa feteng dikgwedi di le 3 (tharo), kgotsa nako epe fela jaaka e dumelwa go ya ka Molao, le jaaka go ka tlhomamiswa ke Boto mo tsamaong ya nako.
- 4.29. “Lenaneotaolo la dipoelo tsa bookelo” - tlhokomelo e e tsweditsweng ke, kgotsa mo boemong ba Sekema, mo nakong e e rileng go phecola bolwetse ba moamogeladipoelo, mme e tla akaretse bolwetse bo bo ka nnang teng fa moamogeladipoelo a le kwa bookelong ba poraefete/porofense kgotsa kwa tleliniking kgotsa bolwetse bo moamogeladipoelo a neng a amogeletswe bona mo tshimologong le bo bo ka tsweleng le morago ga kamogelo ya kwa bookelong.
- 4.30. “Lotseno” – mo mabakeng a go bala dikarolotuelo mabapi le –
- 4.30.1. tokololo e e leng mothapiwa – palogotlhe ya mogôlo wa gagwe wa kgwedi le kgwedi/dikamogelo tseo di duedisiwang lekgetho morago ga dinetefatso tsa ngwaga le ngwaga;
- 4.30.2. tokololo ka nosi - palogotlhe ya dikamogelo tsa gagwe tsa kgwedi le kgwedi tse di duedisiwang lekgetho morago ga dinetefatso tsa ngwaga le ngwaga;
- 4.30.3. tokololo e e kwadisang molekane wa gagwe wa lenyalo kgotsa molekane jaaka moikaegi - bontsi ba mogôlo wa tokololo kgotsa wa molekane wa lenyalo kgotsa molekane;
- 4.30.4. tokololo e e tsweleng - palogotlhe ya mogôlo wa gagwe wa kgwedi le kgwedi o a o amogelang ka ntlha ya go rola tiro.
- 4.31. “Motho o o ikwadisang thari” – modirakopo kgotsa moikaegi wa mogolo yo ka letlha la kopo ya go nna tokololo kgotsa go amogelwa jaaka moikaegi, jaaka maemo a ka kaya, a nang le dingwaga di le 35 kgotsa go feta, fela go sa akaretse moamogeladipoelo yo o neng a sireleditswe ke sekema sengwe kgotsa dikema tse dintsi tsa kalafo go tloga ka letlha la pele ga la 1 Moranang 2001, kwa ntle le kemiso ya tshireletso e e sa feteng dikgwedi di le tharo tse di latelang go tloga ka la 1 Moranang 2001.
- 4.32. “Mokgatlho wa tlhokomelo e e laolwang” - mokgatlho o o letleletsweng le go kwadisiwa le Khansela le go tlhophiwa ke Sekema go ya ka Molao le melawana go tlamela ka taolo ya tlhokomelo e e laolwang ya boitekanelo.
- 4.33. “Tlhokomelo e e laolwang ya boitekanelo” – thulaganyo ya neelano ya tlhokomelo ya boitekanelo e e diretsweng go fokotsa tiriso e e sa tlhokegeng ya ditirelo, go isa ditshenyegelo kwa tlase le go lekanyetsa tiragatso fa go neelanwa ka tlhokomelo ya

Melawana ya Sizwe Medical Fund

boitekanelo e e fitlhelelwang ke bontsi jwa batho, ya boleng le e e nonofileng jaaka go tlhalositswe mo ketapeleng ya Mametlelelo B.

- 4.34. "Tokololo" – motho ope yo o amogetsweng jaaka tokololokgolo ya Sekema go ya ka Melawana e;
- 4.35. "Balelapa la tokololo" - tokololo le baikaegi botlhe ba ba kwadisitsweng.
- 4.36. "Dipoelotlase" - dipoelo tse di malebana le ditirelo tse di maleba tsa boitekanelo tsa malwetse jaaka go tlhalositswe ke Tona go ya ka karolo 29 (1) (0) ya Molao.
- 4.37. "Molekane" – motho yo e leng gore tokololo e na le kamano e e tseneletseng le ena go ikaegilwe ka tlhokego ya boikaego jo go dumelanweng ka jone go sa lebelelwe bong ba letlhakore le lengwe.
- 4.38. "PMSA" – Akhaonto ya Sebele ya Dipoloko tsa Kalafo (Personal Medical Savings Account).
- 4.39. "Bolwetse bo bo neng bo le teng pele" – bolwetse boo go neng go atlanegisitswe kgotsa go amogetswe keletso ya kalafo, tupobolwetse, tlhokomelo kgotsa phekolo ya jone mo pakeng ya dikgwedi tse somepedi tse di mo pele ga letlha le ka lona moamogeladipoelo a neng a amogelwa go Sekema.
- 4.40. "Dipoelotlase tse di laoletsweng (PMB)" – dipoelo jaaka go tlhalositswe mo teng ga karolo 29 (1) (o) ya Molao mme e bile di na le mabaka a kgonagalo ya ditshenyegelo tsa tupobolwetse, phekolo le tlhokomelo -
 - a) Dipara tsa Tupobolwetse le Diphekolo jaaka di tlhagelela mo lenaaneng la Mametlelelo A la Melawana, go ikaegilwe ka dikiletso tse di ka bong di tlhalositswe foo; le
 - b) maemo ape a tshoganyetso ;
- 4.41. "Maemotlase a dipoelo tse di laoletsweng (PMB)" - maemo a bolwetse jaaka bo tlhalositswe mo lenaaneng la Dipara tsa Tupobolwetse le Diphekolo mo Mametlelelo A ya Melawana kgotsa maemo ape a tshoganyetso;
- 4.42. "Mokwadisi" - Mokwadisi kgotsa Motlatsamokwadisi wa Khansele ya Dikema tsa Kalafo yo o thapilweng go ya ka karolo 18 ya Molao;
- 4.43. "Dielo tsa Sizwe" - Lenaanetshupetso la Bosetšhaba la Ditlhwatlhwa tsa Boitekanelo (National Health Reference Price List) la ditirelo tsa boitekanelo le le phasaladitsweng ka 2006 mme le fetolwa ngwaga le ngwaga go ya maemo a infoleišene kgotsa mokgwatiriso ope wa tefiso kgotsa peotlhwatlhwa, jaaka go ka amogelwa ke Sekema mo tsamaong ya nako.

- 4.44. “Phenšene ya loago” - phenšene ya motheo e e maleba ya loago jaaka go kaetswe ke Molao wa Phenšene ya Loago, 1992 (Molao wa bo 59 wa 1992).
- 4.45. “Molekane wa lenyalo” - motho yo o nyalaneng le tokololo go ya ka molao kgotsa setso go sa lebelelwe bong ba letlhakore lepe.
- 4.46. “Nako e e beilweng” – nako e e simololang ka letlha la go dira kopo ya go amogelwa kwa bookelong kgotsa kwa tleliniking kgotsa go amogelwa gape mabapi le bolwetse bo le bongwe, kgotsa bolwetse jo bo tlhodilweng kgotsa jo bo golaganang le bolwetse jwa kwa tshimologong joo bo dirileng gore go kopiwe kamogelo ya kwa bookelong, letlha la go gololwa kwa bookelong kgotsa kwa tleliniking, fa fela e le gore fa moamogeladipoelo o fetisediwa kwa bookelong jo bongwe go bona tsweletso ya phekolo ya bolwetse boo a neng a amogetswe mo bookelong ka ntlha ya bona, “letlha la go gololwa” le le kailweng, e tla nna letlha la bofelo le ka lona molwetse a golotsweng gotlhelele mo bookelong.
- 4.47. “Mo mabakeng a lenaneotaolo la bookelo” - fa le dirisiwa fa moamogeladipoelo a amogelwa kwa bookelong kgotsa kwa tleliniking, le tla kaya gore tsetlelelo e e newang gore a amogelwe le go tlhokomelwa kwa bookelong e akaretsa ditirelo tsothe tse di amogelesegang tse di amanang le kamogelo eo ya kwa bookelong kgotsa tleliniki, e e ka se letlelelweng mo mafelong othe, mme go tshwanetse ga dirwa kopo ya tirelo nngwe le nngwe e e tshwanetseng;

5. MAIKAELELO

Maikaelelo a Sekema ke go:

- a) rwala maikarabelo a ditokololo tsa yona mmogo le baikaegi, mme fa di duela dikarolotuelo;
- b) neelana ka kgonagalo ya go bona tirelo epe e e maleba ya boitekanelo;
- c) rebola thuso ya go duelela ditshenyegelo tseo di itemogetsweng fa go neelanwa ka tirelo epe e e maleba ya boitekanelo; le/kgotsa
- d) neelana ka tirelo e e maleba ya boitekanelo, e ka nna ka Sekema ka bosona, kgotsa ka motlamedi ope kgotsa setlhophisa sa batlamedi ba tirelo e e maleba ya boitekanelo, kgotsa ka motho ope ka kamano kgotsa go ya ka tumelano le Sekema.

6. BOTOKOLOLO

6.1. Botsayakarolo ba mothapi

- a) Boto, go ya ka moo e bonang ka teng, morago ga go amogela kopo ya setlamo sepe, koporasi kgotsa setheo, e ka amogela setlamo sa go nna jalo, koporasi kgotsa setheo, jaaka mothapi mme ya atlosetsa botsayakarolo mo Sekemeng go bathapiwa ba setlamo sa go nna jalo, koporasi kgotsa setheo ka mabaka le dipeelo tse di diragadiwang mo bathapiweng ba bathapi ba ba leng teng e bile ba tsaya karolo mo Sekemeng;
- b) Mothapi ka go naya kitsiso e e kwadilweng ya kgwedi e le nngwe go Boto, a ka dumelwa go khutlisa botsayakarolo mo Sekemeng fa fela e le gore mo bokhutlong jwa paka ya kitsiso Sekema se tla bo se se na maikarabelo a dipelo mabapi le ditirelo tse di iponetsweng ke ditokololo tse di maleba morago ga letlha leo.

6.2. Mefuta ya ditokololo

6.2.1. Ditokololo tse di tlwaelegileng

Mothapiwa

Go ya ka Molawana 8 moo e leng gore botokololo ba Sekema ke tlhokego le mabaka a go nna bathapiwa, bathapiwa botlhe ba tla gapelesega go nna ditokololo tsa Sekema.

Fa e le gore Boto e tla nna le tshiamelo ya go se akaretse bathapiwa ba go nna jalo mo botokololong, kgotsa setlhopha sa bathapiwa ba ba tlhophilweng ke mothapi le ba e leng gore mothapi o ne a bona go se matshwanedi gore ba nne le botokololo, jaaka e le tlhokego ya go nna bathapiwa kgotsa moo e leng gore mothapi o letleletse gore go nne le ditlamo di le dintsinyana tsa thuso ya kalafo; kgotsa

Moo e leng gore mothapiwa yoo e leng gore molekane wa gagwe wa lenyalo ke tokololo ya sekema se sengwe sa thuso ya kalafo, mme mothapiwa a tlhopha go kwadisiwa jaaka moikaegi mo sekemeng sa kalafo sa molekane wa gagwe wa lenyalo, mothapiwa ga a kitla, mo nakong eo ya botokololo ba go nna jalo, a kwadisiwa jaaka tokololo ya Sekema;

6.2.2. Motho ka nosi

Go ya ka mabaka a Melawana 8.1 le 8.2, botokololo bo buletswe motho mongwe le mongwe kgotsa ditlhopha tsa batho.

6.3. Batho ba ba rotseng tiro

- 6.3.1. Tokololo e tla tswelera ka botokololo ba yona ba Sekema mmogo le baikaegi ba gagwe ba ba kwadisitsweng fa ba le teng, fa a rola tiro kgotsa fa go khutlisiwa tiro ya gagwe ke mothapi wa gagwe ka ntlha ya bogolo, go lwala kgotsa bogole bongwe.
- 6.3.2. Sekema se tla itsise tokololo ka ga tshiamelo ya gagwe ya go tswelera ka botokololo ba gagwe le ka karolotuelo e e tshwanetseng go duelwa go tloga ka letlha la go rola tiro kgotsa la go khutlisiwa ga tiro ya gagwe. Kwa ntle fela ga fa ditokololo tsa go nna jalo di ka kwalela le go itsise Sekema ka maikaelelo a tsona a go khutlisa botokololo jwa tsona, di tla tswelera go nna ditokololo.

6.4. Baikaegi ba tokololo e e tlhokafetseng

- 6.4.1. Baikaegi ba tokololo e e tlhokafetseng ba ba kwadisitsweng ke sekema jaaka baikaegi ba gagwe ka nako ya loso lwa gagwe, ba tla nna le tshwanelo ya go tswelera ka botokololo ba bona ba Sekema ntle le dikiletso tse dingwe tse dintšhwa, dikganelo kgotsa dinako tsa go leta.
- 6.4.2. Sekema se tla itsise tokololo ka ga tshiamelo ya gagwe ya go tswelera ka botokololo le ka karolotuelo e e tshwanetseng go duelwa. Kwa ntle ga fa motho wa go nna jalo a kwalela le go itsise Boto ka maikaelelo a gagwe a go se nne tokololo, o tla amogelwa jaaka tokololo ya Sekema.
 - 6.4.2.1. Botokololo ba tokololo ya go nna jalo bo khutlisiwa, fa tokololo ya go nna jalo e nna tokololo kgotsa moikaegi wa sekema se sengwe sa kalafo;
- 6.4.3. Fa e le gore moikaegi yo e leng ngwana kgotsa baikaegi ba e leng bana ba nna dikhutsana, ngwana yo mogolo a ka tsewa jaaka tokololo, mme bomonnawe ya nna baikaegi ba ngwana yoo.
 - 6.4.3.1. Botokololo ba tokololo ya go nna jalo bo khutlisiwa, fa tokololo ya go nna jalo e nna tokololo kgotsa moikaegi wa sekema se sengwe sa kalafo.

7. KWADISO LE KWALOLOLO YA BAIKAEGI

7.1. Kwadiso ya Baikaegi

- 7.1.1.1. Tokololo e ka dira kopo ya go kwadisa baikaegi ba gagwe ka nako eo a dirang kopo ka yona go ya ka Molawana 8.
- 7.1.1.2. Fa tokololo e dira kopo ya go kwadisa ngwana yo o sa tswang go belegwa kgotsa yo o sa tswang go tsholwa e seng ka tsalo mo malatsing a le 30 a letlha la botsalo kgotsa a tsholo ya ngwana, ngwana wa go nna jalo o tla kwadisiwa ke Sekema jaaka moikaegi. Dikarolotuelo tse di okeditsweng di tla tshwanelwa ke go duelwa go tloga ka letsatsi la ntlha la kgwedi go latela kgwedi ya botsalo kgotsa ya tsholo mme dipoelo di tla oketsega go tloga ka letsatsi la botsalo kgotsa la tsholo.
- 7.1.1.3. Fa tokololo, eo e nyalanang morago ga go ikwadisa mo Sekemeng, a dira kopo mo malatsing a le 30 a letlha la lenyalo la go nna jalo go kwadisa molekane wa gagwe wa lenyalo jaaka moikaegi, molekane wa gagwe wa lenyalo o tla kwadisiwa mo Sekemeng jaaka moikaegi. Dikarolotuelo tse di okeditsweng di tla tshwanelwa ke go duelwa go tloga ka letsatsi la ntlha la kgwedi go latela kgwedi ya lenyalo mme dipoelo di tla oketsega go tloga ka letsatsi la lenyalo.
- 7.1.1.4. Mo lebakeng la fa motho ope a tshwanelega go kwadisiwa jaaka moikaegi kwa ntle ga mo mabakeng a tlhalositsweng mo Melawaneng 8.2.1 go ya go 8.2.3, tokololo e ka dira kopo ya kwadiso ya motho wa go nna jalo jaaka moikaegi go Sekema, moo e leng gore mabaka a Molawana 8 a tla diragadiwa ka diphetogo tse di maleba.

7.2. Kwalo lolo ya Baikaegi

- 7.2.1. Tokololo e tla itsise Sekema mo malatsing a le 30 a tiragalo epe eo e tla dirang gore mongwe wa baikaegi a se tshole a fitlhelela ditlhokego le mabaka a go ya ka one e ka nnang moikaegi.
- 7.2.2. Fa moikaegi a se tshole a tshwanelwa ke go nna moikaegi, ga a kitla a tlhola a tsewa jaaka tokololo e e kwadisitsweng jalo go direla mabaka a Melawana e kgotsa ga a kitla a tshwanelwa ke go amogela dipoelo dipe, go sa kgathalesege gore a kitsiso e gorositswe go ya ka Melawana, mme e bile go sa kgathalesege gore a motho wa go nna jalo o ne a dueletswe dikarolotuelo.

8. MABAKA LE DIPEELO TSE DI LENG MALEBA LE BOTOKOLOLO

- 8.1. Ngwana yo o ka fa tlase ga tlhokomelo ya batsadi e ka nna tokololo ka tetla ya batsadi ba gagwe kgotsa motlhokomedi.
- 8.2. Ga go motho yo o tshwanetseng go nna tokololo kgotsa moikaegi wa dikema tsa kalafo di feta bongwe kgotsa go nna moikaegi:
 - 8.2.1. wa ditokololo di feta bongwe tsa sekema sa kalafo se se rileng; kgotsa
 - 8.2.2. wa ditokololo tsa dikema tse di kwadisitsweng le tse di farologaneng tsa kalafo; mme
 - 8.2.3. ga go moamogeladipoelo yo o ka tleleimang kgotsa yo a ka amogelang dipoelo e le tsa gagwe kgotsa tsa baikaegi ba gagwe go tswa go sekema sepe sa kalafo moo e leng gore ga se tokololo kwa ntle ga mo mabakeng a fa motho wa go nna jalo a abelana ka dirwe tsa mmele kgotsa dithišu.
- 8.3. Ditokololo tse di ka nnang teng, di tla tlatsa le go romela foromo ya kopo e e tlhokwang ke Sekema pele ga kamogelo, mmogo le bosupi bo bo kgotsofatsang malebana le ene le baikaegi ba gagwe, ka ga dingwaga, lotseno, maemo a boitekanelo le botokololo bope ba pele kgotsa kamogelo jaaka moikaegi wa sekema se sengwe sa kalafo. Sekema se ka kopa modirakopo go tlamela sekema ka pego ya kalafo mabapi le moamogeladipoelo ope ka ga bolwetse bo e leng gore go atlanegisitswe kgotsa go amogetswe keletso ya kalafo, tupobolwetse, tlhokomelo kgotsa phekolo mo dikgweding di le somepedi pele ga letlha le go dirilweng kopo ya botokololo ka lona. Ditshenyegelo tsa diteko dipe tsa kalafo kgotsa ditlhatlhobo tse di tlhokegang go neelana ka pego ya go nna jalo ya kalafo di tla duelelwa ke Sekema. Le fa go ntse jalo Sekema se ka tlhophya motlamedi go dira diteko kgotsa ditlhatlhobo tsa go nna jalo.
- 8.4. Dinako tsa go leta**
 - 8.4.1. Sekema se ka gapeletsa gore motho yo o dirang kopo ya botokololo kgotsa ya go amogelwa jaaka moikaegi, le yoo e neng e se moamogeladipoelo wa sekema sa kalafo mo pakeng ya bonnye malatsi a le 90 pele ga letlha la go dira kopo a nne le --
 - 8.4.1.1. nako ya go leta ka kakaretso ya go fitlha dikgwedi di le tharo; le
 - 8.4.1.2. nako ya go leta ka ntlha ya bolwetse bongwe jo bo rileng ya go fitlha ka dikgwedi di le 12.

- 8.4.2. Sekema se ka gapeletsa gore motho mongwe le mongwe yo o dirang kopo ya botokololo kgotsa ya go amogelwa jaaka moikaegi, le yoo e neng e le moamogeladipoelo wa sekema sa kalafo mo nakong e e tseletseng go fitlha ka dikgwedi di le 24, mme a khutlisitse botokololo mo nakong e e ka fa tlase ga malatsi a le 90 pele ga letlha la kopo a nne le –
- 8.4.2.1. nako ya go leta ka ntlha ya bolwetse bongwe jo bo rileng go fitlha dikgwedi di le 12, kwa ntle ga mo mabakeng a kalafo epe kgotsa mekgwatsamaiso epe ya tupobolwetse e e akareditsweng ka fa tlase ga dipoelotlase tse di laoletsweng;
- 8.4.2.2. mo mabakeng a motho yo o tthalosiwang mo molaopotlaneng o, moo e leng gore sekema se se fetileng sa kalafo se ne sa gapeletsa nako ya go leta ka kakaretso kgotsa ka ntlha ya bolwetse bongwe, mme nako eo ya go leta e ne e ise e fele ka nako ya khutliso ya go nna tokololo ya sekema seo, nako ya go leta ka kakaretso kgotsa ya go leta ka ntlha ya bolwetse bongwe, ya nako e e iseng e fele ya go leta e e neng ya gapeletswa ke sekema sa kalafo sa pele.
- 8.4.3. Sekema se ka gapeletsa gore motho mongwe le mongwe yo o dirang kopo ya go nna tokololo kgotsa ya go amogelwa jaaka moikaegi, yo e neng e le moamogeladipoelo wa sekema mo nakong e e tseletseng e e fetang dikgwedi di le 24, mme a khutlisa botokololo mo nakong e e ka fa tlase ga malatsi a le 90, pele ga letlha la kopo, nako ya go leta ya kakaretso go fitlha dikgwedi di ka nna tharo, kwa ntle ga mo mabakeng a kalafo epe kgotsa mekgwatsamaiso ya tupobolwetse e e akareditsweng ka fa tlase ga dipoelotlase tse di laoletsweng.
- 8.5. Ga go nako ya go leta e e tla gapelediwang go:
- 8.5.1. motho mongwe le mongwe yo go dirwang kopo ya go nna tokololo kgotsa go amogelwa jaaka moikaegi, yo e neng e le moamogeladipoelo wa sekema sa mo nakong e e fetileng sa kalafo mme a khutlisa botokololo mo nakong e e ka fa tlase ga malatsi a le 90 pele ga letlha la kopo, moo e leng gore go fetisa botokololo go ne go tlhokega ka ntlha ya –
- 8.5.1.1. go fetola tiro; kgotsa
- 8.5.1.2. fa mothapi a fetotse kgotsa a khutlisitse sekema sa kalafo go bathapiwa ba gagwe, mme phetiso e tla diragala mo tshimologong ya ngwaga wa ditšhelete kgotsa mo go ka tswang go filwe Sekema kitsiso e e lekaneng ya go dira kopo ya gore phetiso ya go nna jalo e diragale mo tshimologong ya ngwaga wa ditšhelete mo mabakeng ao e leng gore sekema se se fetileng se ne sa gapeletsa gore go nne le nako ya go leta ka kakaretso kgotsa ka ntlha ya bolwetse bongwe malebana le motho yo go buiwang ka ena mo molawaneng o, mme nako eo ya go leta e ne e ise e fele ka nako ya khutliso ya botokololo,

Sekema se ka gapeletsa nako eo ya go leta ka ntlha ya nako e e iseng e fele ya go leta e e gapeleditsweng ke sekema sa kalafo sa pele.

- 8.5.2. Moamogeladipoelo yo o fetogelang go tswa go tlhopho ya dipoelo go ya go e nngwe mo teng ga sekema, kwa ntle ga fa moamogeladipoelo a tshwanelwa ke go leta go amogela dipoelo mo tlhophong ya dipoelo ya ga jaana, mo e leng gore nako e e saletseng kwa morago e ka tsenngwa tirisong;
- 8.5.3. Moikaegi yo e leng ngwana yo o belegweng ka nako ya botokololo;
- 8.6. Ga go dinako tsa go leta kgotsa dikganelo tse dintšhwa tseo di tla gapelediwang ka ntlha ya maemo a boitekanelo a tokololo epe yo e neng e le tokololo kgotsa moikaegi wa tokololo ya sekema se sengwe mo nakong e e sa kgaotseng ya bonnye dingwaga di le pedi le yoo e leng gore botokololo ba gagwe bo khutlisitswe ka ntlha ya go fetola tiro le yoo a dirang kopo ya botokololo mo dikgweding di le tharo morago ga go khutlisa botokololo go tswa go sekema se sengwe sa kalafo.
- 8.7. Mo mabakeng a molawana 8.6 nako ya go leta e e sa feteng dikgwedi di le 12 e tla diragadiwa go tokololo le baikaegi ba gagwe go tloga ka letsatsi la kamogelo, mo mabakeng a bolwetse bo bo neng bo le teng go le gale, kwa ntle ga mo mabakeng a bolwetse jo bo akareditsweng ka fa tlase ga dipoelotlase tse di laoletsweng: fa fela e le gore ga go dinako tse dintšhwa tsa go leta tseo di tla dirisiwang go tokololo kgotsa moamogeladipoelo ope yo o fetolang ditlhopho tsa dipoelo mo teng ga sekema seo sa kalafo.
- 8.8. Baikaegi ba ba kwadisitsweng ba tokololo ba tshwanetse go tsaya karolo mo tlhophong e le nngwe ya dipoelo e e tshwanang le ya tokololo.
- 8.9. Tokololo nngwe le nngwe morago ga go amogelwa jaaka tokololo, e tla amogela tshobokanyo ya dielo tsa dikarolotuelo, dipoelo le dikganelo ka botlalo. Ditokololo le baikaegi, le motho mongwe le mongwe yo o tleimang poelo epe ka fa tlase ga Melao e, kgotsa yo tleimi ya gagwe e tswang mo mothong yo o tleimang jalo o tلاميwa ke Melawana e jaaka e fetotswe le go baakanngwa nako le nako. Melawana eo e ka bonwa mo webosaeteng go fitlhelelwa ke ditokololo tsotlhe.
- 8.10. Tokololo ga e tshwanela go lesa, go fetisetsa, go solofetsa kgotsa go tshitshinya kgotsa go direla motho wa boraro tleimi, kgotsa tshiamelo epe ya poelo epe e a ka nnang le yona kगतलhanong le Sekema. Sekema se ka tshwarelela, sa emisa kgotsa sa khutlisa dituelo tsa dipoelo tse tokololo e tshwanetseng go di amogela ka fa tlase ga Melawana e, kgotsa tshiamelo epe ya tuelelo ya poelo go tokololo, fa tokololo e ka leka go fetisa kgotsa ya neelana, kgotsa ka tsela e nngwe ya lesa kgotsa ya solofetsa kgotsa ya tshitshinya poelo ya go nna jalo.

8.11. Moo botokololo ba baamogeladipoelo bo khutlisitsweng go ya ka Molawana 12.4, Sekema ga se kitla se tlamega go letlelela motho yoo, ka nako ya go dira kopo ya go ikwadisa gape go Sekema, gore a ikwadise gape mo Sekemeng kwa ntle ga fa motho wa go nna jalo a ka neela Boto bosupi ka tsela e e kgotsafatsang gore ditiragalo tse di dirileng gore botokololo ba gagwe ba mo nakong e e fetileng bo khutlisiwe, go ka se kgonagale gore di diragale gape.

8.12. Moo tokololo e letlelwang go tlogela Sekema go ya ka Molawana 12.1.1, mme a kwadisitswe jaaka moikaegi mo Sekemeng sa kalafo sa molekane wa gagwe wa lenyalo, tokololo e ka amogelwa gape fela mo botokololong ba Sekema go ya ka Melawana ya Sekema.

8.13. Melao ya go thapiwa eo e sa amiweng ke Melawana

Ga go sepe mo Melawaneng e, se se tla tsewang jaaka sengwe se se tla fetolang ka tsela epe tshiamelo ya mothapi ya go khutlisa ditirelo tsa mothapiwa yo e leng tokololo ya Sekema kgotsa tumelano epe magareng ga mothapiwa le mothapi mabapi le maemo a tiro.

8.14. Ditlhokego tsa go duela dikarolotuelo

Tokololo nngwe le nngwe e e amogelwang go ya ka molawana 6.2.2 kgotsa 6.3 e ka dira dithulaganyo tse di maleba ka nako ya kamogelo kgotsa morago ga foo, tsa mokgwa o o rileng wa go dira dituelo o o tla tsenngwang tirisong wa dikarolotuelo tse di tshwanetsweng go duelwa tsa kgwedi le kgwedi go ya ka Melawana e. Seno ke go netefatsa ka tsela e e kgathisang Boto gore dituelo tsotlhe le dikarolotuelo di:

8.14.1. duelwa ka tlhamalalo mo akhaontong ya Sekema kgotsa go amogelwa kwa kantorong e e kwadisitsweng ya sekema; le

8.14.2. itsisitswe ke modiradipoloko wa Sekema le/kgotsa tokololo ya Sekema jaaka dituelo tse di dirilweng ke tokololo e e maleba, ka tsela e e leng gore dituelo di kgona go bonagala ka bonako jaaka dituelo tsa go nna jalo.

9. PHETISETSO YA DITLHOPHA TSA BATHAPI GO TSWA GO SEKEMA SE SENGWE SA KALAFO

Fa ditokololo tsa sekema se sengwe sa kalafo tse e leng ditokololo tsa sekema seo ka ntlha ya go thapiwa ga bona ke mothapi yo o rileng di khutlisa botokololo ba tsona ba sekema seo ka maikaelelo a go nna ditokololo tsa Sekema se, boto e tla amogela batho bao ka mogoso jaaka ditokololo kwa ntle ga nako ya go leta. Tokololo epe ya sekema seo se tlhalositsweng pejana, e e leng tokololo e e tswelelang ka ntlha ya go thapiwa ga gagwe ga mo nakong e e

fetileng ke mothapi yo o rileng le ena a ka nna a amogelwa jaaka tokololo ka ntlha ya mabaka a a mo molawaneng 9, mme Sekema se tla amogela gape motho mongwe le mongwe yo o neng a kwadisitswe jaaka moikaegi wa tokololo eo.

10. KARATA YA BOTOKOLOLO LE SETIFIKEITI SA BOTOKOLOLO

10.1. Karata ya Botokololo

Tokololo nngwe le nngwe e tla amogela karata ya botokololo e e nang le dintlha jaaka go kaetswe ke Molao. Karata eno e tla bontshiwa motlamedi wa ditirelo fa a kopa jalo. E tswelala go nna thoto ya Sekema mme e tla busetswa kwa Sekemeng fa botokololo bo khutliswa.

Go tla nna le tuelo ya tlaleletso ya karata e e timetseng kgotsa ya go dira karata e nngwe mme e tla lefisiwa mo tsamaong ya nako jaaka go tlhomamisitswe ke Boto.

10.2. Tirisompe ya karata ya botokololo

Tirisompe ya karata ya botokololo ke motho ope fela kwa ntle ga tokololo kgotsa baikaegi ba gagwe ba ba kwadisitsweng, ka kitso kgotsa tetla ya tokololo kgotsa baikaegi ba gagwe, ga e a dumelelwa mme e tla tsewa jaaka tirisompe ya ditshiamelo tsa botokololo ba Sekema bogolo segolo dipoelo tsa Sekema.

10.3. Setifikeiti sa botokololo

Fa go khutliswa botokololo kgotsa go kwalololwa moikaegi, Sekema, mo nakong ya malatsi a le 30 a khutliso eo, se tla neela motho yoo setifikeiti sa tshireletso ya botokololo, se se nang le dintlha tse di kaetsweng. Fa fela e le gore kopo ya go nna jalo e gorosiwa kwa Sekemeng mo pakeng ya dingwaga di le pedi morago ga khutliso ya go nna jalo.

11. PHETOLO YA ATERESE YA TOKOLOLO

11.1. Tokololo e tshwanetse go itsise Sekema mo malatsing a le 30 ka ga phetolo epe ya aterese go akarediwa le aterese ya bonno. Sekema ga se kitla se rwala maikarabelo fa ditshwanelo tsa tokololo di gatakiwa kgotsa di amogiwa ka ntlha ya fa tokololo e itlhokomolosa go ikamanya le ditlhokego tsa molawana o.

11.2. Tokololo, morago ga go dira kopo ya go nna tokololo ya Sekema, e tla neela Sekema dintlhakgolagano jaaka Sekema se tlhoka mo tsamaong ya nako, mme seo se ka

akaretsa dinomoro tsa diselefounu le diaterese tsa imeile. Dintlhakgolagano dipe tsa go nna jalo di tshwanetse go neelwa sekema mo malatsing a le 30 a go diragala ga phetogo eo. Sekema ga se kitla se rwala maikarabelo fa ditshwanelo tsa tokololo di gatakiwa kgotsa di amogiwa ka ntlha ya fa tokololo e ithokomolosa go ikamanya le ditlhokego tsa molawana o.

12. KHUTLISO YA BOTOKOLOLO

12.1. Go leboga tiro

12.1.1. Tokololo ya Sekema e e lebogang tiro e tla tshwanelwa ke go tswelela jaaka tokololo ka nosi go tloga ka letlha la khutliso ya go nna jalo, ntle le go dira kopo gape kgotsa go gapelediwa ga dikiletso dipe tse di neng di se teng ka nako ya fa a leboga tiro.

12.1.2. Tokololo e e neelanang ka kitsiso ya go leboga tiro ya kgwedi e le nngwe, ka letlha leo la go leboga tiro, e tla khutla go nna tokololo mme ditshwanelo tsotlhe tsa dipoelo di tla fela, kwa ntle ga ditoleimi tsa ditirelo tse di neetsweng pele ga letlha leo.

12.2. Khutliso ya botokololo ka boithaopo

12.2.1. Tokololo e e sa gapeleseeng go nna tokololo ya sekema go ya ka maemo a gagwe a tiro, e ka khutlisa botokololo ba yona go Sekema ka go neela kitsiso e e kwadilweng ya kgwedi e le nngwe. Ditshwanelo tsotlhe tsa dipoelo di tla khutla morago ga letsatsi la bofelo la botokololo;

12.2.2. Nako eo ya kitsiso e tla sekegwa mo mabakeng ao e leng gore botokololo ba sekema se se sengwe bo gapelediwa ka ntlha ya maemo a tiro;

12.2.3. Mothapi yo o tsayang karolo a ka khutlisa botsayakarolo mo Sekemeng ka go neela kitsiso e e kwadilweng ya kgwedi e le nngwe pele ga khutliso go Sekema;

12.2.4. Motho ka nosi/tokololo e e tswelelang e ka ikwalolola go tswa mo Sekemeng ka go neela kitsiso e e kwadilweng kgwedi e le nngwe pele ga khutliso go Sekema; mme ditshiamelo le ditshwanelo tsa dipoelo di tla khutla ka letsatsi la khutliso; kwa ntle ga ditoleimi tsa ditirelo tse di neetsweng pele ga letlha le.

12.3. Khutliso ka ntlha ya go se duelwe

Boto e tla nna le tshwanelo ya go khutlisa botokololo fa tokololo e retelwa ke go duela Sekema madi a a tlhokegang go ya ka Melawana eno kgotsa tokololo e retelwa ke go duela dikarolotuelo tsa gagwe tse di saletseng kwa morago ka malatsi a feta a le 30. Mabaka a Molawana o a tla diragadiwa fa, mo lebakeng la fa tokololo e e le mothapiwa, mothapi wa gagwe a palelwa ke go duela dikarolotuelo tsa Sekema jaaka go tlhokega go ya ka mabaka a Mametlelelo A.

Sekema se tla neela tokololo kitsiso ka lekwalo le le kwadisitsweng kwa posong kgotsa ka mokgwa mongwe, jaaka go tla swediwa ke Boto mo tsamaong ya nako, ya gore fa dikarolotuelo di sa duelwe tsotlhe mo malatsing a le 14 morago ga go amogela lekwalo leo, botokololo bo tla khutlisiwa go tloga ka mafelo a kgwedi e go amogetsweng dikarolotuelo tsa bofelo ka yona.

12.4. Tirisompe ya ditshiamelo, ditleleimi tse di fosagetseng, le go se senole tshedimosetso ya nnete.

Go ya ka Molawana 29, Sekema se ka khutlisa botokololo ba tokololo kgotsa ba moikaegi yo e leng gore go na le bosupi bo bo tletseng jwa gore go nnile le tirisompe ya dipelo le ditshiamelo tsa Sekema, ka go tlagisa ditleleimi tse di fosagetseng mo gare ga tse dingwe, kgotsa go se neele tshedimosetso e e tlhokegang kgotsa go neela e e fosagetseng. Sekema fa se ka khutlisa botokololo ba tokololo kgotsa moikaegi go ya ka molawana o, se tla itsise tokololo ka go kwala ka tshwetso ya sona mme se tla neelana ka mabaka a tshwetso. Mo mabakeng a go nna jalo, tokololo kgotsa moikaegi yoo a ka kopiwa ke Sekema go duela madi ao, mme ka ntlha ya tirisompe ya pelo ya ditshiamelo tsa Sekema, kgotsa maitsholomabe a mangwe jaaka go tlhalositswe mo, a ka bong a sa a duelelwa.

12.5. Loso

Botokololo ba tokolokgolo bo khutla fa a tlhokafala. Botokololo ba baikaegi ba gagwe le bona bo tla khutla kwa ntle ga fa baikaegi ba go nna jalo ba tlhopho go tswelala go nna jalo go ya ka Molawana 6.4

13. DIKAROLOTUELO

- 13.1. Palogotlhe ya dikarolotuelo tsa kgwedi tse di tshwanetseng go duelwa ke tokololo di tla theiwa mo lotsenong lwa tokololo eo, jaaka go tlhalositswe ka la 01 Ferikgong la ngwaga oo go sa tsewe tsia dikoketso tse di itemogelwang mo tsamaong ya ngwaga eo le palo ya baikaegi ba ba kwadiswang mo tsamaong ya nako.

- 13.2. Dikarolotuelo di tshwanetse go duelelwa kwa pele gore di se salele kwa morago kgwedi le kgwedi pele ga la 7 la kgwedi le kgwedi. Ditokololo tse di ikwadisang mo sekemeng jaaka batho ka nosi di tlhoka go duela kgwedi le kgwedi mme di duelela kwa pele. Moo dikarolotuelo di tshwanetseng go duelwa kgwedi le kgwedi kgotsa sekoloto sengwe le sengwe se se kolotiwang sekema, mme se ise se duelwe mo malatsing a le 30 morago ga letlha la tuelo, Sekema se tla nna le tshwanelo ya go:
- 13.2.1. emisa nakwana dituelo tsotlhe tsa dipoelo tseo di kgobokanetseng tokololo ya go nna jalo go sa kgathalelwe gore tleimi ya poelo eo e dirilwe leng; le
- 13.2.2. go neela tokololo le/kgotsa mothapi kitsiso e e kwadilweng (e ka nna ka eleketeroniki kgotsa ka mokgwa wa tlwaelo) gore fa dikarolotuelo kgotsa dikoloto tse dingwe tsa go nna jalo di sa duelwe mo malatsing a le 14 morago ga letlha la go amogela lekwalo, botokololo bo ka phimolwa.
- 13.2.3. Kitsiso e e romelwang ka poso e e kwadisitsweng e bile e dueletswe ke sekema go tokololo kwa atereseng ya gagwe ya bonno e tla tsewa e amogetswe ke tokololo ka letsatsi la bo 7 morago ga letlha la go posiwa. Fa e le gore kitsiso e rometswe ka imeile, fekese kgotsa SMS, tokololo e tla tsewa e amogetse kitsiso morago ga gore molaetsa o tsamaye. Fa e le gore tokololo e tla retelelwa ke go tlhopha aterese ya bonno, aterese ya tokololo e e mo foromong ya gagwe ya kopo e tla tsewa jaaka aterese ya gagwe ya bonno.
- 13.3. Fa dituelo tse di saletseng kwa morago di ka duelwa tsotlhe, dipoelo di tla busetswa mannong ntle le go emisa tswelelo epe mme go tla ya ka Sekema go lefisa ditshenyegelo tsa tlaleletso tseo di amannwang le go se dire dituelo (default) le go bona gape tsalo kgotsa morokotso ka seelo sa banka ya Sekema. Fa dituelo tsa go nna jalo di sa dirwe, ga go dipoelo tseo di tla amogelwang ke tokololo go tloga ka letlha la go se dire dituelo mme fa go ka nna le poelo e e duetsweng ke Sekema, Sekema se tla bona madi ao gape.
- 13.4. Kwa ntle ga fa go tlametswe mo melawaneng mabapi le diakhaonto tsa dipoloko, ga go pusetso epe ya dithoto tsa Sekema kgotsa karolo epe ya karolotuelo e e tla duelwang motho ope fa tshireletso kgotsa botokololo jwa gagwe mmogo le baikaeji bo ka khutliswa mo gare ga kgwedi.
- 13.5. Balanse ya tokololo go ya ka tlhopho epe e e nang le akhaonto ya dipoloko tsa kalafo, e tla nna thoto ya tokololo ka dinako tsotlhe.

14. MAIKARABELO A MOTHAPI LE DITOKOLOLO

- 14.1. Maikarabelo a mothapi go Sekema a lekanyeditswe go madi a a duelwang go ya ka tumelano fa gare ga mothapi le Sekema,
- 14.2. Maikarabelo a tokololo go Sekema a lekanyeditswe go madi a dikarolotuelo a a sa duelwang mmogo le madi a a rebotsweng ke Sekema mo boemong ba gagwe kgotsa mo boemong ba baikaegi ba gagwe a a iseng a duelwe go Sekema,
- 14.3. Fa e le gore tokololo e emisa go nna tokololo, madi ape a a sa ntseng a kolotiwa ke tokololo ya go nna jalo ke sekoloto se se tshwanetseng go duelwa Sekema mme Sekema se tshwanetse go a bona gape,
- 14.4. Tokololo e amogela maikarabelo a go netefatsa gore diakhaonto tsa motlamedi wa ditirelo tsa gagwe le baikaegi ba gagwe di gorosiwa go sekema gore se di duele mo nakong e e kailweng jaaka go tlhalositswe mo teng ga Molawana 15.2 le Molawana 5.

15. TSELA YA GO GOROSA TLELEIMI

- 15.1. Tleleimi nngwe le nngwe e e gorosiwang go Sekema mabapi le go tlamelana ka ditirelo tse di maleba tsa boitekanelo jaaka go tlhalositswe mo Melaong e, e tshwanetse go tsamaya le akhaonto kgotsa ditatamente jaaka go kailwe.
 - 15.1.1. Fa akhaonto, ditatamente kgotsa tleleimi e nepagetse kgotsa e amogetswe, Sekema se tshwanetse go romelela tokololo setlankana sa kgwebotiragalo, go tlaleletsa tuelo e e tlhalositsweng mo teng ga Karolo 59(2) ya Molao, mme setlankana se nne le dintlha tse di latelang-
 - a) Leina le nomoro ya botokololo ya tokololo;
 - b) Leina la motlamedi wa ditirelo;
 - c) Letlha la bofelo la tirelo e e neetsweng ke motlamedi wa tirelo mo akhaontong kgotsa mo ditatamenteng e e akarediwang ke tuelo;
 - d) Palogotlhe ya madi a a lefiseditsweng tirelo eo; le
 - e) Tlhwatlhwa ya poelo e e abetsweng tirelo ya go nna jalo.
- 15.2. Gore e kgone go bona dipoelo, tleleimi e tshwanetse, ntle le fa go rulagantswe ka tsela e sele, go saeniwa le go netefadiwa ke tokololo jaaka tleleimi e e e e

nepagetseng mme e tshwanetse go gorosiwa go Sekema pele ga letsatsi la bofelo la kgwedi ya bone (4) morago ga kgwedi ya go neelana ka ditirelo.

- 15.3. Moo tokololo e duetseng akhaonto, e tla gorosa rasiti go tshegetsa tleleimi ya gagwe.
- 15.4. Diakhaonto tsa go alafa dikgobalo kgotsa ditshenyegelo tse di tshwanetseng go bonwa go tswa go letlhakore la boraro di tshwanetse go tshegetswa ka ditatamente, tse di tlhagisang dintlha ka botlalo tsa tsela eo ka yona kgobalo e bonweng ka teng
- 15.5. Fa Sekema se akanya gore akhaonto, ditatamente kgotsa tleleimi e fosagetse, kgotsa ga e amogelesege, Sekema se tla itsise tokololo mmogo le motlamedi wa ditirelo yo o maleba mo malatsing a le 30 a go e amogela le go tlhagisa mabaka a kgopolo eo. Sekema se tshwanetse go tlhalosa mabaka a gore ke goreng tleleimi ya go nna jalo e fosagetse kgotsa e sa amogelesege mme e neele tokololo ya go nna jalo kgotsa motlamedi tšhono ya go busetsa tleleimi e e siamisitsweng mo malatsing a le 60.

16. DIPOELO

- 16.1. Ditokololo di na le tshwanelo ya go bona dipoelo mo ngwageng wa ditšhelete, go ya ka Mametlelelo B, mme ka jalo dipoelo di atolosediswa go baikaegi ba tokololo e e kwadisitsweng. Tokololo e tshwanetse go tlhopha go tsaya karolo mo go nngwe ya ditlhopho tse di tlhalositsweng mo Mametlelelong B, morago ga go amogelwa.
- 16.2. Tokololo e na le tshiamelo ya go fetogela go tlhopho e nngwe fa fela e le gore mabaka a eme jaana:
 - 16.2.1. Phetogo e tla dirwa fela go simolola ka la 1 Ferikgong wa ngwaga mongwe le mongwe wa ditšhelete. Boto, go ya ka moo e bonang ka teng, e ka letla tokololo go fetogela go tlhopho e nngwe ya dipoelo ka letlha le lengwe gape.
 - 16.2.2. Kopo ya go fetogela go tlhopho e nngwe ya dipoelo e tshwanetse go dirwa ka go kwalwa mme e gorosiwe go motlhankedimogolo pele ga la 30 Ngwanatsele pele ga ngwaga o diphetogo di tshwanetseng go diragala mo go ona; fa e le gore tokololo e nnile le bonnye malatsi a le 30 a kitsiso ya pele ya diphetogo dipe tse di ikaeletsweng mo dipoelong le dikarolotuelo tsa ngwaga o o tlang.
- 16.3. Sekema se na le tshiamelo ya go tshwarelela tuelo kgotsa pelo e tokololo e tshwanetseng go e bona fa e le gore dituelo tsa gagwe kgotsa dikarolotuelo go Sekema di saletse kwa morago ka kgwedi e le nngwe, mme moo diakhaonto di duetsweng go ya ka Melao e, tokololo e tla rwala maikarabelo a dituelo tse di dirilweng.

- 16.4. Sekema, moo akhaonto e gorositsweng, se tla duela poelo e e tshwanelang tokololo, e ka nna go tokololo eo kgotsa go motlamedi wa ditirelo tse di maleba tsa boitekanelo yo o gorositseng akhaonto, mo malatsing a le 30 a go amogela tleleimi ya poelo ya go nna jalo, fela tshwetso ya go se duele tleleimi eo e nna ya Sekema.
- 16.5. Tlhopho nngwe le nngwe ya dipoelo mo go Mametlelelo ya B, e akaretsa ditshenyegelo tsa ditirelo tse di gorositsweng go ya ka dipoelotlase tse di laoletsweng.
- 16.6. Ga go dikiletso kgotsa ditlogelo (exclusions) tse di tla diragadiwang mo dipoelong-tlase tse di laoletsweng.
- 16.7. Kwa ntle ga fa go dirilwe gore go nne le kgonagalo ka mokgwa mongwe, kgotsa go sweditse Boto, ditshenyegelo tse di itemogetsweng mabapi le nngwe ya tse di latelang ga di kitla di duelwa ke Sekema:
 - 16.7.1. Ditshenyegelo tsotlhe tsa dikaro, melemo, diphekolo le ditiragalo tsa dikaro tsa bontle,
 - 16.7.2. Malatsi a khunologo a go nna botoka mo pholong,
 - 16.7.3. Go reka tse di latelang kwa ntle ga fa go kaile ngaka e e kwadisitsweng le Health Professions Council (HPCSA) yo o nang le nomoro ya tiro e e rebotsweng ke Board of Healthcare Funders (BHF) kgotsa setheo sepe se se nang le dithata tsa semolao tsa go rebola dinomoro tsa go nna jalo:

Melemo e e sa kwadisiwang le Khansele ya Taolo ya Melemo;
Dilo tsa go tlhapha le dipaakanyetso tsa go nna montle;
Dikuno tsa phokotso ya mmele;
Diphekolo tse di dirilweng mo gae; le
Melemo e e dirisiwang mo boemong jwa e mengwe.
 - 16.7.4. Ditshenyegelo tsotlhe tse di fetang dipoelo tse di kwa godimo tsa ngwaga le ngwaga, tse moamogeladipoelo a tshwanelang go di amogela go ya ka melao ya Sekema.
 - 16.7.5. Ditefelo tsa dipeelano tse moamogeladipoelo a retelelwang ke go di tsenela.
 - 16.7.6. Ditshenyegelo tsa ditirelo tse di dirilweng ke-

Batho ba ba sa kwadisiwang ke mokgatlho wa porofesionale o o amogelesegang o o tlhodilweng go ya ka Molao wa Palamente; kgotsa

Setheo sepe, legae la kokelo kgotsa setheo sengwe sa go nna jalo seo se sa kwadisiwang go ya ka molao ope kwa ntle ga bookelo ba bosetšhaba kgotsa ba porofense.

- 16.8. Baamogeladipoelo ba ba amogetsweng mo ngwageng wa ditšhelete, ba tshwanelwa ke dipoelo tse di tlhagelelang mo tlhophong e e maleba ya dipoelo e ba e tlhophileng, ka go fetolwa ga dipoelo tse di kwa godimo go tsamaisana le nako ya botokololo e e baleletsweng go tloga ka letlha la kamogelo go ya kwa bokhutlong ba ngwaga o o rileng wa ditšhelete.
- 16.9. Kwa ntle ga fa Boto e sweditse ka mokgwa mongwe, dipoelo tsa melemo e e bonwang ka lekwalothebolo di lekanyediwa go tlanelo ya kgwedi e le nngwe mo lekwalothebolong lengwe le lengwe kgotsa poeletso ya lona.

17. TUELO YA DIAKHAONTO

- 17.1. Tuelo ya diakhaonto kgotsa ditseleimi e dirwa fela ka madi a a tshwanetseng go duelwa a dipoelo tseo le palogodimo ya madi a a tshwanetseng go duelelwa dipoelo go ya ka poelo eo.
- 17.2. Phokoletso epe e e ka nnang ya sebele kgotsa e e bonwang ka mogoso e tla nna poelo ya tokololo fa go tlhomamisiwa tlhwatlhwa e e tshwanetseng go duelelwa tirelo le ditloso tse di maleba go tswa go poelo, kgotsa akhaonto ya poloko ya tsa kalafo, kgotsa jaaka mabaka a tla be a ntse.
- 17.3. Sekema, e le ka tumelano kgotsa e se ka tumelano le motlamedi kgotsa setlhopha sa batlamedi ba ditirelo, se ka duela poelo ya tokololo ka tllhamalalo go motlamedi wa ditirelo.
- 17.4. Moo Sekema se duetseng akhaonto kgotsa karolo ya akhaonto kgotsa poelo epe e tokololo e sa tshwanelwang ke go e bona, e bile tuelo e dirilwe go tokololo kgotsa motlamedi wa ditirelo, madi ao a tshwanelwa ke go bonwa ke Sekema gape mme e bile a ka tloiswa go madi a a kolotiwang tokololo a ditseleimi tsa isago.
- 17.5. Go sa ikgatholoswe dikarolwana tsa Molao, Sekema se na le tshwanelo ya go duela poelo nngwe le nngwe go tokololo e e amegang.
- 17.6. Ledi la dituelo
- Tseleimi nngwe le nngwe e e amogetsweng ke Sekema go ya ka Molao e ya ditirelo tse di neetsweng mo teng ga dinagatokololo tsa South African Customs Union (SACU) di tla duelwa ka ledi la Rephaboleki ya Aforikaborwa le Seelo sa Sizwe.

18. TUELO YA SETHO

Boto ga e kitla e letlelela tuelo ya ditirelo dipe kwa ntle ga tse di tlametsweng mo Melaong fela, ka tshwetso ya yona, e ka oketsa madi a a tshwanetseng go duelwa go ya ka Melao jaaka tuelo ya setho (ex-gratia) fa fela e kgotsotse gore tokololo e ka itemogela bothata bo bo sa tlhokegeng fa e sa dire jalo.

19. TAOLO LE BOTSAMAISI BA SEKEMA

19.1. Molaotheo wa Boto

Merero ya Sekema e tla laolwa go ya ka Melao ya sekema jaaka e tlhalosiwa mo karolo 29(1) ya Molao, ke Boto e e dirwang ke batho ba ba nonofileng jaaka go tlhalositswe mo karolong 57 ya Molao, ba ba dirwang ke:

19.1.1. ditokololo tse di seng kwa tlase ga di le 8 (robedi) le e seng go feta di le 10 (some) tse di tlhophilweng jaana:

19.1.1.1. bonnye diperesente di le someamathano (50%) tsa ditokololo tsa Boto e tla nna ditokololo tsa Sekema ka dinako tsotlhe tse di tlhophilweng ke ditokololo tsa sekema ("Batlhokomedi ba ba Tlhophilweng") kwa kopanokakaretsong ya ngwaga le ngwaga go ya ka ditiragalo tse go buiwang ka ga tsona mo molawana 19.2.

19.1.1.2. ditokololo tse dingwe tsa Boto di tla thapiwa ("Batlhokomedi ba ba Thapilweng" ke Batlhokomedi ba ba Tlhophilweng mme bona ba sekegela tse di latelang mo tlhophong ya bona:

19.1.1.2.1. ditlhokego tsa dinonfo le bokgoni bo bo kgethegileng bo bo supilweng ke Sekema ka tiriso ya sona ya didiriswa tsa taolo ya diphatsa (kgonagalo ya go tsena mo mathateng) go gatelelwa dinonfo tsa semolao, kalafo, ditšhelete, bobalamatlotlo le bonetetshi ba dipalo (actuarial science);

19.1.1.2.2. go tlhoka tekatekano ya mafelobonno ga dikemedi tsa Boto;

19.1.1.2.3. le dikemedi tsa ditlhopha tse dikgolo tsa bathapi fa go le maleba.

19.1.2. Batlhokomedi ba ba Thapilweng, ba tshwanetse go nna ditokololo tsa Sekema gore ba dumelelwe go dira jaaka Batlhokomedi.

19.1.3. Morago ga gore Motlhokomedi yo o tlhophilweng a dumele go tsena mo kantorong, Motlhokomedi yo o Thapilweng o nna le ditshwanelo tse di tletseng tsa go tlhopha, mme maemo a gagwe ga a kitla a farologana le a Motlhokomedi yo o Tlhophilweng.

19.2. Molawana 19.2 Nako ya go nna mo kantorong

19.2.1. Motlhokomedi yo o tlhophilweng, kwa ntle ga fa a ka ilelwa go dira jaaka motlhokomedi go ya Molao e le/kgotsa Molao, o tla nna mo kantorong sebaka sa dingwaga di le 3 (tharo) go tloga ka nako ya Kopanokakaretso ya Ngwaga le ngwaga (AGM) kgotsa e e kgethegileng, ya ngwaga o ditlhopho di neng di tshwerwe ka ona.

19.2.2. Motlhokomedi yo o Thapilweng o tla nna mo kantorong sebaka sa dingwaga di le 2 (pedi) go tloga ka nako e go thapa go dirilweng ka yone.

19.2.3. Batlhokomedi ba ba rolang tiro, go ya ka molawana 19.3, ba tla tshwanelwa ke go tlhophiwa gape kwa kopanong kakaretso ya ngwaga le ngwaga kgotsa kwa kopanong kakaretso e e kgethegileng mo mabakeng a Batlhokomedi ba ba Tlhophilweng, le Boto mo mabakeng a Batlhokomedi ba ba Thapilweng.

19.2.4. Tokololo ya Boto e ka leboga tiro ka nako nngwe le nngwe ka go kwalela Boto kitsiso a e itsise ka maikaelelo a gagwe a go se tswelile go nna tokololo ya Boto.

19.2.5. Nako ya go nna mo kantorong ya motlhokomedi e fela kwa Kopanong kakaretso ya Ngwaga le Ngwaga kgotsa kopano kakaretso e e kgethegileng go sa lebalwe gore kopano ya go nna jalo e ka tshwarwa ka letlha le le gaufi kgotsa moragonyana ga bokhutlo ba paka ya bone kgotsa ya boraro ya bona ya go nna mo kantorong.

Molao 19.3 - Tlhopho ya Batlhokomedi ba Boto

19.3. Boto e tla netefatsa gore ditiragalo tse di gaisang di a latelwa go netefatsa gore tlhopho ya Batlhokomedi e lolame e bile e golosegile mme, fa go le maleba, e tla thapa setheo se se ikemetseng go laola le go tsamaisa ditlhopho. Ditiragalo tsa ditlhopho di ntse jaana:

19.3.1. Sekema se tla romela dikitsiso tse di lopang batlhophiwa go ditokololo tsotlhe dikgwedi di le 4 (nne) pele ga go fela ga paka ya Motlhokomedi ope yo o Tlhophilweng.

- 19.3.2. Dikitsiso tse di lopang batlhophiwa di tla itsise ditokololo ka diphatlha tse di tshwanetseng go tladiwa, tiragalo ya ditlhopho, ga mmogo le foromo ya ditlhopho e e letleletsweng ke Boto.
- 19.3.3. Tlhopho nngwe le nngwe e tla nna le bonnye CV e e khutshwafaditsweng ya ntlhopheng ka tsela e e tshalositsweng mo teng ga kitsiso ya go tlhopha.
- 19.3.4. Diforomo tsa motheo tsa go tlhopha tse di tla bong di tladitswe le go saeniwa ke ditokololo tsa Sekema, di tshwanetse go amogelwa ka letlha le le tlhomamisitsweng le Boto.
- 19.3.5. Tlhopho nngwe le nngwe e tshwanetse go dirwa mo foromong ya motheo e e tlametsweng ke Sekema, e saenilwe ke motshitsinyi, a tlaleletswa ke ntlhopheng, fa fela e le gore ntlhopheng ga a itlhophe kgotsa ga a tlaleletse tshitsinyo ya gagwe,
- 19.3.6. Tlhopho e e amogetsweng ke Sekema morago ga letlha la tswalo, e sa kwalwa ka botlalo, kgotsa fa e sa saenwa ke maphata otlhe a mararo a a tshalositsweng fa godimo, e ka se tsewe tsia.
- 19.3.7. Sekema se tla tlhotlhomisa lemorago la ntlhopheng go netefatsa gore bontlhopheng ba ba tlhophilweng ba nonofile go dira jaaka bontlhopheng mme morago se tla dira lenaane la bofelo la bontlhopheng ba ba tshwanetseng go tlhophiwa.
- 19.3.8. Sekema se tla romelela ditokololo tsotlhe lenaane la bontlhopheng gore ditlhagiso di dirwe go ka ya molao 19.2.4. mmogo le
 - 19.3.8.1. CV e e khutshwafaditsweng ya ntlhopheng mongwe le mongwe;
 - 19.3.8.2. foromo ya baloto; le
 - 19.3.8.3. lekwalo le le bolelelang ditokololo gore ba tshwanetse go gorosa diforomo tsa dibaloto leng go Sekema.
- 19.3.9. Boto e ka dirisa metswedithuso mengwe e e maleba mme ya neelana le ka dithata tse di tlhokegang go motho yo o nang le bokgoni kgotsa komiti go tsaya ditshwetso le go tsenya tirisong ditiragalo tse di amanang le tiragalo ya ditlhopho.
- 19.3.10. Dibaloto tsa ditokololo di tla amogelwa ka letlha pele ga Kopano Kakaretso ya Ngwaga le Ngwaga (AGM) kgotsa e e kgethegileng jaaka go tla tlhomamiswa ke Boto go letla netefatso ya dibaloto tsa go nna jalo. Ditokololo tse di tla nnang teng kwa Kopanong Kakaretso ya Ngwaga le Ngwaga kgotsa e e kgethegileng di tla nna le tshwanelo ya go tlhopha motho mo kopanong fa e le gore ke ditokololo tsa Sekema tse di leng mo maemong a a siameng le Sekema.

19.3.11. Sekema se tla dira gore ditlhopho tse di amogetsweng go tswa go ditokololo di balwe mme mo e leng gore setheo se se ikemetseng sa ditlhopho ga se a thapiwa, Sekema se tla rwala maikarabelo a go kopa moruni go netefatsa dipholo tsa ditlhopho. Sekema morago se tla rwala maikarabelo a go itsise ditokololo ka ga dipholo tsa ditlhopho kwa Kopanong Kakaretso ya Ngwaga le Ngwaga kgotsa e e kgethegileng, ka bonako morago ga ditlhopho kgotsa ka nako nngwe fela jaaka go le maleba. Dipholo tsa ditlhopho tsa Batlhokamedi ga go tlhokagale gore di goelediwe kwa kopanong kakaretso mme di ka goelediwa moragonyana fa go le matshwanedi, mme Boto e na le dithata tsa go amogela dipholo tsa go nna jalo jaaka ditlhopho di ka bo diragetse kwa kopanong kakaretso le fa e le gore kopano e ka bo e sutisitswe mme ka jalo e sa konosetsa tiro ya letsatsi.

19.3.12. Bontlhopheng ba ba amogelang ditlhopho tse dintsi, ba tla tlhophiwa jaaka Batlhokamedi go fitlha diphatlha tsotlhe di tladiwa,

19.3.13. Fa e le gore bontlhopheng ba feta bongwe ba amogela palo e e tshwanang ya diboutu, mme go se na manno a a lekaneng a bontlhopheng botlhe mo Botong, jalo dipholo tsa bontlhopheng di tla itsisiwe kwa kopanong kakaretso, mme ditokololo tsa kopanokakaretso di tla kopiwa go boutela bontlhopheng bao gape. Bontlhopheng ba ba bonang diboutu tse dintsi ba tla thapiwa jaaka Batlhokamedi.

19.4. Diphatlhatiro tsa nakwana

Boto e tla nna le tshwanelo ya go tlatsa diphatlhatiro tsa nakwana tse di ka nnang teng mo Botong.

19.4.1. Motho yo o thapilweng go tlatsa phatlhatiro ya nakwana o tla nna le ditshwanelo, ditlamego le maatla a motlhokamedi yo a thapilweng mo maemong a gagwe, fa fela e le gore motlhokamedi wa go nna jalo o tla leboga tiro kwa kopanong kakaretso ya Sekema e e latelang, kwa ntle ga fa kopano eo e ka netefatsa gore motlhokamedi yoo o tla nna mo kantorong mo pakeng e e iseng e fele mo boemong jwa motlhokamedi yo a tseneng mo maemong a gagwe.

19.4.2. Fa e le gore ditokololo tsa Boto ga di tlhole di bopa khoramo, ditokololo tse di setseng tsa Boto di tla gapelesega go tshola ditlhopho mme ba thapa Batlhokamedi jaaka go tlhokega mo malatsing a le 60 (masomeamarataro) a go se bope khoramo go netefatsa gore Boto e bopa khoramo. Ditokololo tse di setseng tsa Boto, fa go sa ntse go letilwe tlhopho le go thapiwa ga Batlhokamedi jaaka go tlhalosiwa, di tla bopa Boto e e nang le dithata tsotlhe tsa go dira tsotlhe tse di tlhokegang mabapi le tsamaiso ya Sekema fela jaaka e ne le tlhodilwe le go tlhamiwa semolao.

19.5. Ditlhokego tsa Batlhokomedi

Batho ba ba latelang ga ba na ditlhokego tsa go nna ditokololo tsa Boto:

19.5.1. motho wa dingwaga tse di ka fa tlase ga 21;

19.5.2. mothapi, mokaedi, motlhankedi, modiredi kgotsa mokonteraka wa motsamaisi wa Sekema kgotsa wa setlamo se se tshotseng, setlamopotlana, ditlamo tse di dirisanang mmogo (JVC) kgotsa molekane ka kemo wa motsamaisi yoo;

19.5.3. morekisi wa sekema sa kalafo:

19.5.4. motlhankedimogolo wa Sekema;

19.5.5. moruni wa Sekema;

19.5.6. modiredi, moeletsisi, motsamaisi-mmogo, kgotsa mongwe le mongwe go sa kgathalelwe maemo, yo o neelang ka keletso, ditirelo kgotsa dikatlanegiso tsa mokgwa ofe go sekema (jaaka go tlhalositswe mo Molaong wa Dikema tsa Kalafo kgotsa Melao) kwa ntle ga Sizwe Medical Fund;

19.5.7. mothapi, mokaedi, motlhankedi, modiredi kgotsa mokonteraka kgotsa mongwe le mongwe yo o nyalanang le modiradikuno, mophatlhalatsi le/kgotsa rakgwebokgolo wa melemo e e laoletsweng kgotsa melemo e e rekisiwang kwa ntle ga go tlhoka go laolelwa ke ngaka, melemo e e tlaleletsang, didiriswa tsa kalafo mmogo le didiriswa tsa kalafi tse di latlhiwang morago ga tiriso;

19.5.8. mothapi, mokaedi, motlhankedi, modiredi kgotsa mokonteraka wa bookelo;

19.5.9. motho yo e leng motlhokomedi wa sekema se sengwe sa kalafo;

19.5.10. motho yo o amogilweng go nna mokaedi wa setlamo kgotsa go nna motlhokomedi go ya ka Molao wa Ditlamo wa 2008, kgotsa molao ope fela;

19.5.11. motlhokomedi yo o tlhophilweng yo e seng tokololo ya Sizwe Medical Fund

19.6. Go tswa mo kantorong:

Tokololo ya Boto e tla emisa go nna mo kantorong fa:

19.6.1. a nna mo maemong a tlhaloganyo e e sa kgodiseng kgotsa a tshwanelwa ke go amogelwa kwa setheong go ya ka Molao wa Boitekanelo ba Tlhaloganyo wa bo 18 wa 1973, kgotsa a goelediwa ke kgotlatshekelo jaaka motho yo o sa kgoneng go laola merero ya gagwe;

19.6.2. a aparetswe ke dikoloto le disuga;

19.6.3. a bonwe molato, mo teng ga Rephaboleki kgotsa felo gongwe, wa go utswa, tsietso le boferefere kgotsa go neelana ka tokomane e e seng mo molaong;

19.6.4. a tlositswe ke kgotlatshekelo mo kantorong epe ka ntlha ya maitsholomabe;

19.6.5. a amogilwe go tswela ka tiro ya gagwe ka fa tlase ga molao ope,

19.6.6. a sa iponatse kwa dikopanong di le tharo tse di latelaneng tsa Boto ntle le tetla ya Modulasetilo; kgotsa

19.6.7. a tlositswe mo kantorong ke Khansela go ya ka Karolo 46 ya Molao;

19.6.8. a itshotse ka tsela e e sa ungweleng dikgatlhegelo tsa badirisi ba sekema sa kalafo dipoelo, a ka tlosiwa mo Botong,

19.6.1. pele go tsewa tshwetso ya go tlosa tokololo ya Boto, Boto e tla neela tokololo eo dintlha ka botlalo tsa bopaki bo e nang le bona malebana le maitsholomabe a go ngongoregiwang ka ona, mme e letle motho yoo sebaka sa malatsi a a seng ka fa tlase ga 30 go tsibogela ditatofatso;

19.6.2. tshwetso ya go tlosa tokololo eo, e tshwanetse go tsewa ke bonnye peditharong ya ditokololo tsa Boto;

19.6.3. tokololo e tla nna le dikgato tse e ka di tsayang fa e sa dumelane le tshwetso ya Boto jaaka di tlametswe mo Molaong.

19.7. Tlhopho ya baofisiri:

19.7.1. Boto, mo kopanong ya yona ya ntlha ya Batlhokomedi morago ga AGM, kgotsa morago ga kopanokakaretso e e kgethegileng, e tla tlhopha modulasetilo le motlatsa modulasetilo wa Boto go tswa go Batlhokomedi.

19.7.2. Boto e tla kopa ditlhopho tsa maemo a modulasetilo wa Boto, mme Batlhokomedi ba ba bonang diboutu tse di kwa godimo ba tla tlhophiwa jaaka Modulasetilo le motlatsamodulasetilo.

19.7.3. Ditlhopho di tla dirwa ka mokgwa wa baloto mme dipholo di tla itsiswe Boto le Motlhankedimogolwane ka potlako morago ga kgololo ya dipholo.

19.7.4. Fa modulasetilo a ka leboga tiro kgotsa a emisa go nna tokololo ya Boto kgotsa a tlosiwa mo kantorong ke Boto kgotsa a ka amogwa maemo a gagwe ka tsela

nngwe, Boto e tla tlhopha mongwe go tswa go Batlhokomedi go nna modulasetilo wa nako e e setseng.

19.7.5. Fa e le gore ka bobedi modulasetilo le motlatsamodulasetilo ba ka se iponatse kwa kopanong, Boto e tla tlhopha modulasetilo wa nama o sa tshwere go tswa go Batlhokomedi.

19.8. Dikopano tsa Boto

19.8.1. Boto e tshwanetse go kopana dikgwedi dingwe le dingwe di le pedi kgotsa ka mo go tlhokagalang;

19.8.2. Kitsiso ya kopano ya Boto ya malatsi a le supa (7), kwa ntle ga fa Boto e dumalane ka sengwe gape, e tla newa tokololo nngwe le nngwe ya Boto mme kitsiso ya go nna jalo e tla nna le lenanetema la se se tla diragalang kwa kopanong. Go se amogele kitsiso ga go kitla go dira gore kopano epe ya Boto e se tswele pele.

19.9. Kopano e e kgethegileng ya Boto

19.9.1. Modulasetilo a ka bitsa kopano e e kgethegileng fa go le maleba. Ditokololo di le tharo tsa Boto di ka kopa modulasetilo go bitsa kopano e e kgethegileng ya Boto fa fela e le gore dintlha tse di tshwanetseng go sekasekwa kwa kopanong di tlhalosiwa sentle mo teng ga kopo e. Modulasetilo morago o tla dumela go bitsa kopano e e kgethegileng,

19.9.2. Boto fa e bopa khoramo, e ka sekaseka le go rarabolola mathata ka mogala kgotsa ka khonferense ya eleketeroniki mme e ka amogela ditharabololo le ditshwetso ka tsela eo.

19.9.3. Morago ga go amogela kopo, modulasetilo o tla epa pitso e e kgethegileng ya Boto mo malatsing a le supa go itebaganya le dintlha tse di tlhalositsweng jaaka go tlametswe mo teng ga Molao 19.9.1.

19.10. Modulasetilo mo dikopanong

Modulasetilo o tla etelela kopano nngwe le nngwe ya Boto pele. Fa modulasetilo a se teng mo kopanong ya Boto, motlatsamodulasetilo o tla tsamaisa kopano.

19.11. Khoramo ya dikopano

Diperesente di le someamatlhano (50) mmogo le a le mongwe (1) wa ditokololo tsotlhe tsa Boto di tla bopa khoramo ya kopano ya Boto go sa lebelelwe gore a ditokololo di teng ka sebele kgotsa ka mogala le bidio. Tsamaiso ya ka gale e tla tswelela fa fela khoramo e e tlhokagalang e le teng mo tshimologong ya kopano le mo tswelelong ya kopano.

19.12. Go tlhopha mo dikopanong tsa Boto

Dintlha tse di fa pele ga Boto di tla swediwa ka boutu ya bontsi ba Boto, fa diboutu di ka lekalekana, modulasetilo wa Boto ga a kitla a nna le boutu ya go tlhopha go tlaleletsa e a setseng a na le yona.

19.13. Tharabololo ka mokgwa wa tshaeno

19.13.1. Tharabololo e e kwadilweng e bile a saenilwe ke ditokololo tsa Boto tse di bopang khoramo, e tla tlama le go tshwanela go tsenngwa tirisong fela jaaka fa e ka bo e tserwe kwa kopanong ya Boto e e bopang khoramo. Fa e le gore mongwe wa basaeni e tla nna modulasetilo.

19.13.2. Tharabololo ya go nna jalo e ka nna le ditokomane di le mmalwa jaaka foromo nngwe le nngwe e saenilwe ke basaeni ba ba tlhalositsweng mo Molaong o.

19.14. Go rekota ditiragalo tsa kopano

Boto e tla netefatsa gore metsotso ya dikopano tsotlhe tsa ngwaga le ngwaga, tse di kgethegileng le tsa kakaretso mmogo le tsa Boto e kwalwa fa fatshe mme e sekasekwa kwa kopanong e e latelang.

19.15. Bosupi ba metsotso

Metsotso mengwe le mengwe e e saenilweng ke modulasetilo wa Boto e tla nna bopaki le bosupi bo bo ka dirisiwang kwa kgotlatshekelo.

19.16. Tuelo kgotsa megôlo ya ditokololo tsa Boto

Ditokololo tsa Boto di tshwanela go duelelwa tirelo e ba neelaneng ka yona ka ntlha ya fa e le ditokololo tsa Boto. Seno se tla diragala go ya ka pholisi jaaka e tla bo e amogetswe ke Boto mo tsamaong ya nako le go amogelwa ke ditokololo kwa AGM. Bona ba tla duelelwa

go tsenela dikopano le go tsenela dikopano tsa dikomitipotlana tsa Boto. Ditshenyegelo tse dingwe tse di ka itemogelwang ke tokololo ya Boto ka taelo ya Boto, di tla duelwa go ya ka pholisi jaaka Boto e tla tlhomamisa mo tsamaong ya nako.

19.17. Momagano

Fa e le gore Sekema se tla momagana le se sengwe, mme momagano eo e tlhola diphathatiro tsa Boto go amogela Batlhokomedi ba ba tswang go sekema se sengwe, palo e e lekaneng ya Batlhokomedi e tla tshwanela go leboga tiro gore Batlhokomedi e nne ba palo e dikema di dumelaneng ka yona. Boto e ka tlhopha ka mokgwa wa baloto ya sephiri gore ke Batlhokomedi bafe ba ba tshwanetseng go leboga tiro mme Batlhokomedi ba ba amogelang diboutu tse di kwa godimo (ka tatelano eo) ba tla tsewa jaaka ba ba lebogileng tiro go tloga ka letlha la momagano.

19.18. Go tlhophelwa go thusa Boto

Boto e ka tlhopha go fitlha ka batho ba le bararo ba ba nang le kitso mme ba sa tshwanela go nna ditokololo tsa Sekema go thusa ka ditherisano tsa Boto. Kopano e e tlhophetsweng go thusa Boto e tla khutla go nna tokololo ya Boto fa Boto e swetsa jalo mo tsamaong ya nako. Tokololo e e tlhophetsweng go thusa Boto e ka tsaya karolo mo ditherisanong fela ga e kitla e kgona go tlhopha.

20. DITIRO TSA BOTO

- 20.1. Boto e rwala maikarabelo a go laola Sekema, go ya ka melao e.
- 20.2. Boto e tshwanetse go dira ka tlhokomelo, botswapelo, nonofo le ka maikaelelo a go dira tse dintle fela.
- 20.3. Ditokololo tsa boto di tshwanetse go tila kgotlhang ya dikgatlhego, ba senole dikgatlhego dipe tseo ba ka nnang natso mo ntlheng efe e e gorosiwang fa pele ga Boto.
- 20.4. Boto e tshwanetse go diragatsa melawana e e amogelesegang mme e netefatse maemo a matlole a a itekanetseng a Sekema.
- 20.5. Boto e tshwanetse go tlhopha motlhankedimogolwane yo o leng yo o tshwanelwang ke maemo ao mme ena a ka thapa badiri ba go ya ka ena ba tshwanetseng go diragatsa tiro ya Sekema ka katlego, mme o tla tlhomamisa melawana le dipeelo tsa tirelo ya motlhankedimogolwane le ya batho ba ba thapilweng ke Sekema.

- 20.6. Modulasetilo o tshwanetse go tsamaisa dikopano tsa Boto le go netefatsa gore maitsholo e nna a amogelesegang.
- 20.7. Boto e tshwanetse go tshola metsotso ya go nna jalo, diakhaonto, direjisetara le direkoto tse di botlhokwa gore Sekema se kgone go dira sentle.
- 20.8. Boto e tshwanetse go netefatsa gore ditsamaiso tsa taolo tse di maleba di diriswa ke Sekema le mo boemong ba sona.
- 20.9. Boto e tshwanetse go netefatsa gore tshedimose tso e e maleba e fetisediwa go ditokololo mabapi le ditshwanelo, dipoelo, dikarolotuelo le ditiro tsa bona go ya ka Melao:
- 20.10. Boto e tshwanetse go tsaya dikgato tsotlhe tse di maleba go netefatsa gore dikarolotuelo di duelwa ka nako go Sekema go ya ka Molao le Melao;
- 20.11. Boto e tshwanetse go tsaya PII (professional indemnity insurance) e e sireletsang keletso ya porofesionale le fidelity guarantee insurance e e tla dirang gore mothapi a se ke a rwa maikarabelo a tathegelo ya madi.
- 20.12. Boto e ka bona keletso ya boitseanape mo go tsa molao, bobalamatlotlo mmogo le tsa kgwebo jaaka go kopiwa, kgotsa mo mabakeng a e leng gore ditokololo tsa Boto ga di na boitseanape bo bo lekaneng.
- 20.13. Boto e tshwanetse go netefatsa gore Melao le tiriso le tsamaiso ya Sekema e ikamanya le dikarolwana tsa Molao mmogo le melawana mengwe e e maleba.
- 20.14. Boto e tshwanetse go tsaya dikgato tsotlhe tse di maleba go sireletsa khupamarama ya direkoto tsa kalafo mabapi le maemo a boitekanelo ba moamogeladipoelo.
- 20.15. Boto e tshwanetse go letlelela dikabo tsotlhe tsa matlole.
- 20.16. Boto e tshwanetse go tshola ka pabalesego, mo teng ga phaposipolokelo ya Sekema kgotsa/le banka e e amogetsweng ke Boto, bonto epe, lekwatshupo la mong wa ntlo/setsha (title deed) kgotsa thoto epe ya tshireletso ya Sekema kgotsa e e tshotsweng ke Sekema kwa ntle ga fa e le ka fa tlase ga tlhokomelo ya nakwana ya Sekema.
- 20.17. Boto e tshwanetse go netefatsa kgonagalo jaaka go tlhokega mme e sekegele tsela e e maleba ya go tsamaisa dilo mmogo le dikaedi tse di atlanegisitsweng mabapi le tsholo ya ditokomane, dibuka, direkoto ditokomane le ditlamorago tsa Sekema.
- 20.18. Boto e tshwanetse go senola ngwaga mongwe le mongwe ka go kwalela Mokwadisi, tuelo epe kgotsa dituelo tse ba di duetsweng mo ngwageng ke Sekema jaaka go laetswe.

21. DITHATA TSA BOTO

Boto e na le dithata tsa go:-

- 21.1. khutlisa tiro ya mothapiwa ofe kgotsa ofe wa Sekema;
- 21.2. go tsaya dikgato tsotlhe tse di tlhokegang tsa go saena le go tsenya tirisong ditlamego tsa Sekema ka fa tlase ga go thapiwa ga go nna jalo;
- 21.3. go thapa komiti e e bopiwang ke ditokololo tsa Boto mmogo le bomaitseanape bangwe ba e tsayang ba le maleba;
- 21.4. go thapa motsamaisi yo o letleletsweng ka mabaka le dipeelo a a tla tlhomamiswang ke Boto, go diragatsa tiro ya Sekema ka katlego. Mabaka le dipeelo a go thapiwa ga go nna jalo a tshwanetse go kwalwa mo teng ga konteraka, e e tsamaisanang le ditlhokego tsa Molao le melawana;
- 21.5. go thapa, go nna le konteraka le go putsa morekisi wa sekema sa kalafo ka go rekisetsa modirisi sekema sa kalafo le gore tokololo eo e duelele ditirelo tsa morekisi, go ya ka dikarolwana tsa Molao le Melawana le gore konteraka eo ga e kitla e tlamelela morekisi go sekema. Sekema se tla tlotla tshwanelo ya tokololo ya go thapa morekisi, mme fa go na le maphata a mangwe jaaka ditlhopha tsa bathapi, mme ba filwe tshwanelo ya go thapa barekisi ba dikema tsa kalafo, fela go na le go thapiwa mo go gaisanang mabapi le dithapo tsa go nna jalo, Sekema se tla tsaya tshwetso ya gore ke morekisi ofe yo se tla mo amogelang mabapi le setlhopha seo sa ditokololo.
- 21.6. go tsena mo konterakeng ka tsela e e laotsweng le mokgatlho wa taolo ya tlhokomelo ya boitekanelo o o kwadisitsweng e bile o amogetswe,
- 21.7. go reka dithoto tse di sutang le tse di sa suteng;
- 21.8. go hirisa le go hira thuto e e sutang le e e sa suteng;
- 21.9. go rekisa thoto e e sutang le e e sa suteng ya Sekema go ya ka ditiragalo tse di amogelesegang tsa kgwebo mmogo le metheo e e lolameng ya boleng;
- 21.10. fa go na le madi a a sa tlhokegeng go emelana le ditefelo tsa Sekema, le go ya ka dikarolwana tsa Molao, le ka tsela e e tlhomamisitsweng ke Boto, go beeletsa kgotsa go mekamekana le madi a go nna jalo mmogo le dipeeletso;
- 21.11. ka tetla e e rebotsweng ke Khansele, go adima madi go tswa mo dibankeng tsa Sekema mme go diriswa dithoto tsa sekema jaaka tshireletso, ka maikaelelo a go emelana le tlhalelo ya nakwana ya madi;

- 21.12. go ya ka dikarolwana tsa molao, Sekema ka bosona kgotsa ka go dirisana le motho mongwe, se ka tlhoma kgotsa sa nna le khemise (pharmacy), bookelo, tleliniki, legae la baimana, legae la kokelo ya balwetse, legae la bagolo kgotsa setheo sepe sa go nna jalo, go lebilwe dikgatlhegelo tsa ditokololo tsa Sekema;
- 21.13. go dira moneelo go bookelo, tleliniki, lefelo la tlhokomelo ya balwetse, legae la baimana kgotsa legae la tlhokomelo ya bagolo go lebilwe dikgatlhegelo tsa ditokololo tsa Sekema;
- 21.14. go neelana ka dikadimo tse di ka duelwang gape go tokololo kgotsa dituelo tsa botho (ex gratia) mo boemong ba ditokololo ka maikaelelo a go thusa ditokololo go emelana le ditlamego ka fa tlase ga Molao 5,
- 21.15. go dira tuelo go letlole lepe le le theetsweng gore bathapiwa ba bone dipoelo tsa Sekema;
- 21.16. go ya ka ditlhokego tsa go nna jalo tse di ka fa tlase ga molao, go netefatsa ditlamego go ya ka dipoelo tse di tlamekeng mo teng ga Molao;
- 21.17. go maatlafatsa motlhankedimogolwane le/kgotsa ditokololo tsa Boto, kgotsa motho ope fela jaaka go tla tlhomamiswa mo tsamaong ya nako, le go ya ka mabaka le dipeelo jaaka Boto e tla tlhomamisa, go saena konteraka le ditokomane tse dingwe tse di amanang le Sekema kgotsa tokomane efe e e letlang tiragatso ya Molao, mo boemong jwa Sekema.
- 21.18. go tsaya karolo mo mokgatlhong ope o o theilweng go tswelletsa, go rotloetsa le go rulaganya tsamaiso ya dikema tsa kalafo.
- 21.19. Ka kakaretso go dira selo sefe fela, seo se leng botlhokwa kgotsa se ka itlhaganedisa go diragatsa ditiro go ya ka dikarolwana tsa Molao le Melao.

22. DITIRO TSA MOTLHANKEDIMOGOLO LE BADIRI

- 22.1. Badiri ba Sekema ba tshwanetse go netefatsa ka dinako tsotlhe gore tshedimosetso mabapi le ditokololo e tsholwa e le sephiri.
- 22.2. Motlhankedimogolwane ke motlhankedi wa mokhuduthamaga wa Sekema mme ka jalo:
 - 22.2.1. o tla netefatsa gore o tla dira mo dikgatlhegelong tsa ditokololo tsa Sekema ka dinako tsotlhe;
 - 22.2.2. ditshwetso le ditaello tsa Boto di tsenngwa tirisong ntle le tiego epe;

- 22.2.3. fa go tlhokega, go nna le tlhaeletsano e e maleba magareng ga Sekema le ba ba angwang ke ditshwetso le ditaello tsa Boto;
- 22.2.4. o tshola Boto e sedimoseditswe ka nako mabapi le merero ya Sekema mabapi le dintlha dipe tse di amanang le ditiro tsa Boto jaaka go tlhalositswe mo teng ga Karolo 57(4) ya Molao;
- 22.2.5. o tshola Boto e sedimoseditswe ka nako mabapi le merero ya Sekema mabapi le dintlha dipe tse di amanang le ditiro tsa Boto jaaka go tlhalositswe mo teng ga Karolo 57(6) ya Molao;
- 22.2.6. Ga a tseye ditshwetso dipe tse di amanang le merero ya Sekema ntle le tetla ya pele ya Boto le gore ka dinako tsotlhe o tla sekegela dithata tsa Boto mmogo le taolo ya yona ya Sekema
- 22.3. Kwa ntle ga fa Batlhokomedi ba Boto ba ka thapa setlamo sa Botsamaisi go laola le go tsamaisa kgwebo ya Sekema go ya ka Molao. Melawana ya Sekema, motlhankedimogolwane e tla nna motlhankedi yo o ikarabelang wa Sekema yo o rwalang maikarabelo a go kokoanya matlole otlhe a a amogetsweng mmogo le dituelo tse di letleletsweng ke/mo boemong jwa Sekema.
- 22.4. Motlhankedimogolwane o tla netefatsa gore go diragatsa ditiro tsotlhe tsa gagwe go botlhokwa gore leano la merero ya Sekema le diragadiwe ka nepo. O tla tsenela dikopano tsotlhe tsa Boto, le tsa dikomiti tsotlhe tse a tlhophilweng mo go tsona le go netefatsa gore go nna le rekoto ya metsotso.
- 22.5. Motlhankedimogolwane o tla rwala maikarabelo a go laela badiri ba ba thapilweng ke Sekema kwa ntle ga fa Boto e ka swetsa ka mokgwa mongwe.
- 22.6. Kwa ntle ga fa Batlhokomedi ba Boto ba ka thapa setlamo sa Botsamaisi go laola le go tsamaisa kgwebo ya Sekema go ya ka Molao le Melawana ya Sekema motlhankedimogolwane o tla tshola direkoto tse di maleba tsa madi otlhe a a amogetsweng le ditshenyegelo tse di dirilweng ke Sekema, le direkoto tsa dithoto tsotlhe le ditiriso tsa ditšhelete tsa Sekema.
- 22.7. Kwa ntle ga fa Batlhokomedi ba Boto ba ka thapa setlamo sa Botsamaisi go laola le go tsamaisa kgwebo ya Sekema go ya ka Molao le Melawana ya Sekema, motlhankedimogolwane o tla baakanya dipego tsa matlole le go netefatsa kobamelo ya ditlhokego tsotlhe tsa semolao tse di maleba.
- 22.8. Batho ba ba latelang ga ba kitla ba nna batlhankedibagolwane:
- 22.8.1. Mothapiwa, mokaedi, motlhankedi, modirelwa kgotsa motho go tsenweng mo konterakeng le ena, motsamaisi wa sekema kgotsa wa setlamosegolo, setlamopotlana, kgotsa mogwebisani wa setlamo sa botsamaisi.

22.8.2. Morekisi wa madithuso a kalafo

22.9. Dikarolwana tsa Molao 21 .19 di tla diragadiwa go motlhankedimogolwane.

23. GO SE RWALE MAIKARABELO LE NETEFALETSO KGATLHANONG LE TSIETSO

23.1. Boto mmogo le tokololo ya Sekema ga e rwale maikarabelo a ditiragalo tsotlhe, ditshenyegelo tse di itemogelwang ka ntlha ya tleleimi kgatllhanong le sekema mme e e ka ntlha ya go tlhoka boikanyego ba bona.

23.2. Boto e tshwanetse go netefatsa gore Sekema se na le tshireletso e e lekaneng kgatllhanong le tatlhegelo e e nnileng teng ka ntlha ya go tlhoka boikanyego le tsietso ya batlhankedi bape ba yona (go akarediwa le ditokololo tsa Boto) ka go nna le dirasiti kgotsa madi le ditshireletso tsa Sekema.

24. NGWAGA WA DITŠHELETE WA SEKEMA

Ngwaga wa ditšhelete wa sekema o simolola ka la 1 Ferikgong go fitlha ka la 31 Sedimonthole wa ngwaga oo.

25. AKHAONTO YA BANKA

Sekema se tshwanetse go tshola banka ka fa tlase ga taolo ya sona e e kwadisitsweng le banka ya kgwebo. Madi otlhe a a amogetsweng a tshwanetse go tsenngwa ka tlhamalalo mo akhaontong eo. Madi otlhe a tshwanetse go tsenngwa ka phetiso ya eleketeroniki, kgotsa ka tšheke e e nang le ditshaeno tsa batho ba le babedi – yo mongwe wa bona e le motlhankedimogolwane – yo o neetsweng dithata ke Boto.

26. MORUNI LE KOMITI YA BORUNI

26.1. Moruni (yo o tshwanetseng go amogelwa le go letlelelwa ke Mokwadisi go ya ka Karolo 36 ya Molao) o tshwanetse go tlhophiwa kwa kopanong nngwe le nngwe ya ngwaga, go tsena mo kantorong go tloga ka nako ya kopano eo go fitlha ka nako ya kopanokakaretso e e latelang.

26.2. Batho ba ba latelang ga ba a tshwanela go dira jaaka baruni ba Sekema:

- 26.2.1. tokololo ya Boto;
- 26.2.2. mothapiwa, motlhankedi kgotsa motho yo o tseneng mo konterakeng le Sekema;
- 26.2.3. mothapiwa, mokaedi, motlhankedi kgotsa motho yo o tseneng mo konterakeng le motsamaisi wa Sekema, kgotsa setlamosegolo, setlamopotlana, mogwebisani le motsamaisi;
- 26.2.4. motho yo e leng gore ga a dire jaaka moruni;
- 26.2.5. motho yo o amogilweng go dira jaaka moruni go ya ka Molao wa Ditlamo, 2008.
- 26.3. Fa moruni a tlogela tiro ya gagwe ka ntlha ya mabaka ape pele ga nako ya gagwe ya go nna mo kantorong e fela, Boto e tshwanetse go thapa mongwe go tlatsa phatlhatiro eo mo malatsing a le 30.
- 26.4. Fa ditokololo tsa Sekema di retelelwa ke go thapa moruni kwa kopanong kakaretso go ya ka molao o, Boto e tshwanetse go dira thapo ya go nna jalo mo malatsing a le 30, mme fa le yona e retelela ke go dira jalo, Mokwadisi a ka dira jalo ka nako efe fela.
- 26.5. Moruni wa Sekema o na le tshwanelo ya go fitlhelela dibuka, direkoto, ditokomane tsa diakhaonto tsa Sekema ka dinako tsotlhe mme o na le tshwanelo ya go kopa tshedimose tso le ditlhaloso tse a tsayang di le botlhokwa go tswa go Boto le batlhankedi, gore a kgone go dira tiro ya gagwe.
- 26.6. Moruni o tshwanetse go begela ditokololo tsa Sekema ka ga diakhaonto tse a di tlhatlhobileng mmogo le ditatamente tsa matlole tse di tlhagisitsweng kwa kopanong kakaretso ya Sekema.
- 26.7. Boto e tshwanetse go thapa komiti ya boruni ka tsela e e kailweng.

27. DIKOPANOKAKARETSO

27.1. Kopanokakaretso ya ngwaga le ngwaga

- 27.1.1. Kopanokakaretso ya ngwaga le ngwaga ya ditokololo e tla tshwarwa pele ga la 31 Phatwe wa ngwaga mongwe le mongwe, fa e le gore kopanokakaretso ga e kitla e nna morago ga la 31 Diphlane 2016.

27.1.2. Kitsiso ya go epa pitso ya AGM, e e nang le lenanetema, Dintlhakgolo tsa ditatamente tsa Matlole tsa ngwaga le ngwaga; pego ya Moruni le Pego ya Ngwaga le Ngwaga di tshwanetse go gorosiwa go ditokololo bonnye malatsi a le 30 pele ga letlha la kopano. Ditatamente tsa matlole tse di tletseng di ka bonwa ka go kopololwa go tswa mo webosaeteng ya sekema. Sekema se tla tshwanelwa ke go rebola ditokomane tse di kailweng, go ya ka tsamaiso ya intaseteri le go ya ka ditaello tsa Khansele le Mokwadisi tse di ka rebolwang mo tsamaong ya nako le go sekegela molao ope o o leng maleba. Go se amogelwe ga kitsiso ya go nna jalo ke tokololo ga go dire gore ditiragalo tsa kopano di se nne mo molaong fa fela e le gore kitsiso e e neetsweng ya kopano e ne e le maleba.

27.1.3. Bonnye ditokololo di le 42 tsa ditokololo tsa Sekema tse di leng teng di tla bopa khoramo. Fa khoramo e sa bopiwe morago ga metsotso e le 30 ya go simolola ga kopano, kopano e tshwanetse go sutisediwa pele ka malatsi a le 7 go tloga ka letlha la kopano, gona mo lefelong leo mme ditokololo tseo di leng teng di tla bopa khoramo. Fa e le gore letlha leo kopano e sutiseditsweng kwa go lona ke letsatsi la khunologo ya botlhe, kopano e tla tsena ka letsatsi le le latelang la khunologo.

27.1.4. Dintlhakgolo tsa ditatamente tsa ngwaga le ngwaga le dipego tse di tlhagisitsweng mo teng ga Molao 27.1.2 le Molao 26.6 di tshwanetse go gorosiwa pele ga kopano.

27.1.5. Letlha la AGM le tla neelwa ditokololo dikgwedi di le tharo (3) ke go re malatsi a le 90 pele ga kopano. Kopano e tla kopa le ditlhagiso go gorosiwa fa pele ga AGM. Dikitsiso tsa ditlhagiso di tshwanetse go goroga go Motlhankedimogolwane dikgwedi di le 2 (pedi) kgotsa malatsi a le someamarataro pele ga letlha la kopanokakaretso ya ngwaga le ngwaga.

Motho mongwe le mongwe yo o nang le tetla ya go dira jalo a ka neelana ka tlhagiso, mme ka go dira jalo, o tla neela Sekema mabaka le maikaelelo a tlhagiso eo mmogo le mokwalo o o tshithintsweng wa tlhagiso. Boto e tla sekaseka tlhagiso nngwe le nngwe e e amogetsweng mme e tla tsaya tswetso ya gore a tlhagiso e ka bewa fa pele ga kopanokakaretso. Fa Boto e ka swetsa gore tlhagiso ga e a nonofa go gorosiwa fa pele ga Kopanokakaretso, kgotsa e tlhoka diphetogo tse di rileng, mong wa tlhagiso eo o tla itsiswe, mme fa a sa itumela, o tla tshwanelwa ke go tsaya dikgato tse di tlamelwang ke Molao. Seno se tla diragala le mo dikopanong tse di kgethegileng.

27.2. Dikopano tse di kgethegileng

27.2.1. Go bitsa dikopano ke Boto.

Kopano e ka bitsa kopano e e kgethegileng ya ditokololo jaaka e bona go tlhokega.

27.2.2. Kopo ya kopano ke ditokololo

Fa go na le kopo ya bonnye ba ditokololo di le 100 (lekgolo) Boto e ka bitsa kopanokakaretso e e kgethegileng mo malatsing a le 30 a kgoroso ya kopo eo. Kopo e tshwanetse go tlhalosa se go tla buiwang ka sona mo kopanong mme e tshwanetse go saeniwa ke botlhe ba ba kopang kopano ya go nna jalo le go goroswa kwa kantorong ya sekema. Go tla sekasekwa fela ditlha tsa kopano kwa kopanong.

Fa Boto e ka retelelwa mo malatsing a le 14 ke go bitsa kopano morago ga go amogela kopo eo, bakopi ka bobona ba ka bitsa kopano ya go nna jalo kgwedi e le nngwe morago ga go dira kopo.

27.2.3. Kitsiso ya kopano

Kitsiso ya kopano e e kgethegileng ya kakaretso, e e nang le lenanetema, e tshwanetse go gorosiwa go ditokololo bonnye malatsi a le 14 pele ga letlha la kopano. Go se amogelwe kitsiso ya kopano ya go nna jalo ga go kae gore ditiragalo tsa kopano ga di maleba fa fela e le gore nako ya kitsiso ya Boto e ne le maleba.

27.2.4. Khoramo

Bonnye ditokololo di le 42 tsa ditokololo tsa Sekema tse di leng teng di tla bopa khoramo. Fa khoramo e sa bopiwe morago ga metsotso e le 30 ya go simolola ga kopano, kopano e tshwanetse go sutisediwa pele ka malatsi a le 7 go tloga ka letlha la kopano, gona mo lefelong leo mme ditokololo tse di leng teng di tla bopa khoramo. Fa e le gore letlha leo kopano e sutiseditsweng kwa go lona ke letsatsi la khunologo ya botlhe, kopano e tla tsena ka letsatsi le le latelang la khunologo mme fa e le gore gape khoramo ga e bopiwe kwa kopanong kakaretso e e kgethegileng morago ga metsotso e le 30 ya go simolola ga kopano, kopano e tla tsewa e phimotswe.

28. GO TLHOPHA KWA KOPANONG

- 28.1. Tokololo nngwe le nngwe e e leng teng kwa kopanong kakaretso kgotsa kwa kopanong kakaretso e e kgethegileng ya Sekema e na le tetla ya go tlhophya, kgotsa

e ka tlhophha tokololo e nngwe ya Sekema go bua le go tlhophha mo boemong ba yona.

28.2. Proxy eo ya go tlhophha e tshwanetse go kwalwa fa fatshe ka tsela eo e tlhomamisitsweng ke Boto mme e tshwanetse go nna khophi ya motheo e e saennweng ke tokololo le motho yo o tlhophilweng jaaka proxy , mme e tshwanetse go gorosiwa go Sekema bonnye diura di ka nna 72 pele ga kopano e tsena, ka tsela e e tlhomamisitsweng ke Boto.

28.3. Modulasetilo wa Boto o tshwanetse go tlhomamisa gore a ditlhopho di tla dirwa ka baloto kgotsa ka go tsholetsa diatla. Fa diboutu di ka lekana, monnasetilo, fa e le tokololo ya Sekema, a ka dira tlhopho nngwe gape go tlaleletsa tlhopho e a setseng a e dirile.

28.4. Kgoeletso ya dipholo tsa go tlhophha

Kgoeletso ka modulasetilo wa kopano, ka go tsholetsa diatla kgotsa baloto, e dirilwe ke bontsi, kgotsa go na le tatlhegelo e tla nna e e tlamang ditokololo tsotlhe. Fa e le gore dipholo tsa go tlhophha ga di ise di siame kwa kopanong, kgoeletso e tla busediwa morago go letla nako ya go netefatsa diboutu, mme Boto e tla itsise ditokololo dipholo mo malatsing a le 21 (someamabedinngwe) a gore dipholo di gololwe. Morago ga gore ditokololo di itsisiwe ka go tlhophha, dipholo di tla tlama ditokololo tsotlhe.

29. DINGONGOREGO LE DIKGOTLHANG

29.1. Ditokololo di ka gorosa dingongorego tsa bona ka go kwalela motlhankedimogolwane wa Sekema.

29.2. Dingongorego tsotlhe go Sekema di tla gorosiwa ka go kwalwa. Dingongorego di tla tsibogelwa mo malatsing a le 30 a go di amogela.

29.3. Kgotlhang nngwe le nngwe e e ka nnang teng magareng ga tokololo, tokololo ya isago, tokololo ya pele kgotsa motho yo kaiwang e le tokololo ya Sekema, di tshwanetse go isiwa go komiti ya dikgotlhang go atlholwa ke Motlhankedimogolwane

29.4. Komiti eo ya dikgotlhang e tla bopiwa ke batho ba le bararo, ba a le mongwe wa bona e tla nnang tokololo ya Sekema mme e se motlhokomedi, fa yo mongwe e tla nna moitseanape wa semolao. Ditokololo tsa komiti ya dikgotlhang di tla nna mo kantorong sebaka se se sa feteng dingwaga di le tharo. Komiti e tla tlhophiwa go ikaegilwe ka tse di latelang:

- 29.4.1. Ditokololo di le pedi di tla bopa khoramo. Fa ditlhopho di ka lekana, modulasetilo (yo o tlhophilweng kwa kopanong ya ntlha ya komiti) o tla nna le boutu e e tlaleletsang ya gagwe;
- 29.4.2. Motlhankedimogolwane o tla bitsa kopano ya komiti ya dikgotlhang ka go neela kitsiso ya malatsi a a seng ka fa tlase ga 21 ka go kwalela mongongoregi mmogo le ditokololo tsotlhe tsa komiti, a tlhagisa letlha, nako le lefelo la kopano mmogo le gore kgotlhang e ka ga eng.
- 29.4.3. Motlhankedimogolwane o tla gorosa ngongorego le tsibogo ya yona e e kwadilweng go tswa go Sekema go komiti ya dikgotlhang go sekasekwa. Mme fa komiti e sa tlhoke bosupi bo bongwe, komiti e tla dira katlholo;
- 29.4.4. Fa e le gore komiti ya dikgotlhang e tlhoka bosupi ba tlaleletso, komiti e ka swetsa ka tiragalo e e latelang go letla kgoroso ya bosupi bo bongwe, mme mongongoregi le Sekema ba tla newa nako e e lekaneng go dira seo;
- 29.4.5. Fa e le gore komiti ya dikgotlhang e batla go utlwa bosupi ka molomo, matlhakore a a amegang a tla newa tšhono ya go bua, e ka nna ka sebele kgotsa ka dikemedi;
- 29.4.6. Komiti ya dikgotlhang e tla itsise ka go kwalela Sekema kgotsa letlhakore lefe le le amegang, ditshwetso tsa yona mo malatsing a le 30 a katlholo eo ya kgotlhang;
- 29.5. Motho yo o sa itumelang o na le tetla ya go dira boikuelo go Mokwadisi kgotsa Khansele, mme boikuelo boo bo tla dirwa ka tsela e e tlhokwang ke Molao wa Mokwadisi kgotsa Khansele.
- 29.6. Tiragatso ya tshwetso epe e e leng ka fa tlase ga boikuelo ka fa tlase ga Molawana 29.5, e tla emisiwa nakwana go fitlha Mokwadisi wa Khansele a tsaya tshwetso kgatlhano le boikuelo boo.
- 29.7. Ga go sepe mo melaong eno se se tla tsewang jaaka sengwe se se thibelang motho yo o utlwisitsweng botlhoko go dira sengwe se se mo fodisang go ya ka Molao le molawana ope.
- 29.8. Fa e le gore motho yo o utlwileng botlhoko o batla go gorosa ngongorego go Mokwadisi kgotsa Khansele jaaka go tlhalosiwa mo teng ga Molao ntle le go latela pele ditsela tse di tlhagisitsweng mo teng ga melao e, mo mabakeng ao, go tla tsewa gore motho yoo o beetse thoko tshwanelo ya gagwe ya go tswela pele ka fa tlase ga melao e, mme Sekema se tla latedisa kgotlhang mo foramong e e tlhophilweng ke mongongoregi.

30. TLHATLHAMOLOLO

- 30.1. Sekema se ka phatlaladiwa ka kgotlatshekelo kgotsa boithaopo ba sona.
- 30.2. Fa ditokololo mo kopanong kakaretso di tshitshinya, mme tshitshinyo e sa dirwe ke bontsi ba peditharong, gore Sekema se tthatlhamololwe, Boto e tla rulaganya gore ditokololo di swetse ka baloto gore Sekema se tshololwe. Kwa ntle ga fa e e le gore bontsi ba ditokololo bo swetsa gore Sekema se tswelele, Sekema se tla tshololwa go ya ka Karolo 64 ya Molao
- 30.3. Go latela tshwetso e e tserweng ke ditokololo go ya ka Molao 30.2, motlhankedimogolwane ka go buisana le Mokwadisi o tshwanetse go dikolosa memorantamo o o tthalosang mabaka a tshololo e e tshitshintsweng mme e bile o tthalosa phatlalatso ya dithoto fa go ka nna le thekiso, mmogo le pampiri ya baloto.
- 30.4. Tokololo nngwe le nngwe e tshwanetse go kopiwa go busa pampiri ya baloto e tladitswe pele ga letlha le le beilweng. Fa bonnye diperesente di le 50 bo busa dibaloto tsa bona mme bontsi bo batla tshololo ya Sekema, Boto e tshwanetse go tsibogela se, mme e thape motsholodisi yo o nonofileng ka tetla ya Mokwadisi.

31. MOMAGANO LE PHETISETSO YA KGWEBO

- 31.1. Sekema, go ya ka dikarolwana tsa Karolo 63 ya Molao, se ka momagana le, sa fetisetsa dithoto le melato go, kgotsa sa amogela dithoto le melato ya sekema sengwe kgotsa motho. Boto e tshwanetse go itsise ditokololo ka kgwebotiragalo ya go nna jalo le go swetsa ka baloto gore a kgwebotiragalo ya go nna jalo e tswelele kgotsa nnyaa.
- 31.2. Fa bontsi ba ditokololo bo busa dibaloto, kgotsa bo tsaya karolo mo tiragalong epe e e tlhokang tetla ya tokololo, kgwebotiragalo e ka konotelelwa ka tsela e e laetsweng.

32. TSHIAMELO YA GO BONA DITOKOMANE LE TLHATLHOBO YA DITOKOMANE

- 32.1. Tokololo ka go kopa le go duela R70.00 ka khophi, e tshwanetse go neelwa ditokomane tse di latelang ke Sekema:
 - 32.1.1. melao ya Sekema;
 - 32.1.2. ditatamente tsa bofelo tse di runnweng tsa matlole, dipoelo, dipego tsa Batlhokomedi le pego ya baruni ya Sekema;
 - 32.1.3. diakhaonto tsa botsamaisi go ya ka ditlhopho tsa dipoelo jaaka go tlhokega go Karolo 37(4)(d) le go gorosiwa go Mokwadisi mmogo le Ditatamente tse dingwe

tsa Matlole le Dipego jaaka go tlhokega go ya ka Karolo 27(2) ya Molao wa Dikema Tsa Kalafo wa bo 131 wa 1998.

- 32.2. Moamogeladipoelo o na le tetla ya go tlhatlhoba ntle le tefelo epe, kwa dikantorong tse di kwadisitsweng tsa Sekema, tokomane epe e go buiwang ka yona mo Molaong 32.1 le go ntsha sengwe go tswa foo.
- 32.3. Molao ga o kitla o tsewa jaaka o o iletsang ditshwanelo tsa motho go ya ka Kettleetso ya Phitlhelelo ya Tshedimosetso, Molao wa bo 2 wa 2000.

33. PHETOLO YA MELAO

- 33.1. Boto e na le thata ya go fetola kgotsa go phimola molao ope kgotsa mametlelelo kgotsa go dira molawana wa tlaleletso kgotsa mametlelelo.
- 33.2. Ga go phetolo epe, phimolo kgotsa tlaleletso e e amang maikaelelo a Sekema e e leng maleba kwa ntle ga fa e letleletswe ke bontsi ba ditokololo mo kopanong kakaretso kgotsa e e kgethegileng kgotsa ka baloto.
- 33.3. Ditokololo di tshwanetse go newa khophi ya go nna jalo mo dikgweding di le 4 (nne) morago ga kwadiso ya yona. Fa ditshwanelo tsa tokololo, ditlamego, dikarolotuelo kgotsa dipoelo di ka fetolwa, o tla itsiwe malatsi a le 30 (someamararo) pele phetogo ya go nna jalo e tsenngwa tirisong.
- 33.4. Go sa kgaphelwe thoko dikarolwana tsa Molao 33.1 kwa godimo, Boto, ka kopo le kgotsotfalo ya Mokwadisi e tshwanetse go fetola molao ope o o sa tsamaelaneng le dikarolwana tsa Molao.
- 33.5. Ga go phetolo epe, phimolo kgotsa tlaleletso eo e amang maikaelelo a Sekema e e leng maleba kwa ntle ga fa e letleletswe ke Mokwadisi yo o kwadisitsweng.

34. AKHAONTO YA DIPOLOKO TSA SEBELE TSA KALAFO (PMSA)

- 34.1. Morago ga go amogelwa mo Sekemeng, PMSA e e tshotsweng ke Sekema, e tla tlhomiwa mo leineng la tokololo mo go tla tsenngwang dikarolotuelo tse di rebotsweng ke Sekema mme ga gogwa dipoelo tse tokololo e di amogelang.
- 34.2. Madi a a reboletsweng PMSA ya Sekema ga a tshwanela go feta 25% ya palogotlhe ya dikarolotuelo tsa tokololo mo ngwageng oo wa matlole.

- 34.3. Fa e le gore go tla be go na le matlole a a lekaneng fa go fetiswa tleleimi, tokololo e tla tshwanelwa ke go tleleima ditirelo tsotlhe tsa boitekanelo jaaka go tlhalositswe ka fa tlase ga PMSA, Mametlelelo B, ka 100% ya seelo sa sekema.
- 34.4. Matlole a a reboletsweng ditokololo mo teng ga PMSA a tla nna teng go ungwela ditokololo le baikaegi ba gagwe. Balanse nngwe le nngwe mo teng ga PMSA mo bofelong ba ngwaga wa ditšhelete e kgobokanela tokololo.
- 34.5. Dikarolotuelo tse di amogetsweng di tla tsholwa mo teng ga akhaontho ya terasete e seng banka ya sekema. Merokotso e e bonwang e tla nna ya diakhaonto tsa dipoloko. Sekema se ka rebola merokotso ka *pro rata* go ikaegilwe ka dibalanse tsa dipoloko mo bofelong ba kgwedi
- 34.6. Fa tokololo e ka tlhokofala, balanse mo akhaontong ya gagwe e tla fetisediwa go baikaegi ba gagwe ba ba tswelelang ka botokololo kgotsa ya duelwa go letlotlo la boswa fa go se na baikaegi.
- 34.7. Fa go na le dipoloko tse di sa tleleimiwang mme tokololo e nyeletse sebaka sa ngwaga morago ga go tlogela sekema, di tla duelwa go Letlole la Batlhokomedi (Guardians Fund)
- 34.8. Fa tokololo e ka ya go tlhopho e nngwe ya dipoelo eo e se nang akhaonto ya dipoloko, dibalanse di tla duelwa tokololo, mo nakong e e sa feteng dikgwedi di le nne (4) morago ga tsamao eo le go ya ka melao ya lekgetho.
- 34.9. Fa tokololo e ka khutlisa go nna tokololo mme ya se ke ya amogelwa kwa sekemeng se sengwe, kgotsa mo tlhophong e nngwe ya dipoelo e e se nang PMSA, dibalanse di tla duelwa tokololo, mo nakong e e sa feteng dikgwedi di le nne (4) morago ga tsamao eo le go ya ka melao ya lekgetho.
- 34.10. Fa tokololo e ka ya go tlhopho ya dipoelo kgotsa ya amogelwa go sekema sengwe, seo se nang le akhaonto ya dipoloko, balanse ya tokololo e tla fetisediwa go tlhopho ya dipoelo kgotsa sekema, mo nakong e e sa feteng dikgwedi di le nne morago ga phetelo go tlhopho ya dipoelo, kgotsa go khutlisa botokololo, jaaka go ka diragala.
- 34.11. Madi a a mo teng ga akhaonto ya dipoloko ya tokololo ga a tshwanela go dirisetswa go duela di-PMB kgotsa dikarolotuelo.
- 34.12. Fa go khutliswa botokololo, matlole mo teng ga PMSA a ka diriswa go duela sekoloto sa tokololo go akarediwa dikarolotuelo tse di saletseng kwa morago.